


泰山志
八
七

金石

ル 5
3548
8



門 5
號 3548
卷 8

泰山志卷第十七

朝議大夫山東泰安府知府孫寧金榮纂

金石記三

宋金

淵濟公廟碑

正書 趙台撰
在岳西南地今佚

元豐五年

泰嶽西南隅有靈泉曰白龍池岸古石峻峭然罔窮大頂
巍然而作簪髻大峪環然而為郭郭峩峩而蔚者懸刀秀
於上湍湍而鳴者百丈溢於中夏暮秋朝靄呈波面而為
瑞異花靈草艷羅岸徑以爭香縈流天轉嶺漾峯迴乃一
方雄勝之地登而蒞之者無不嘉而駭焉自漢唐以來至
於我宋每歲投金龍玉簡御香為之禱矣蓋龍克雲克雨

浹洽萬彙阜成元元近者春夏不雨驕陽頗愆賢宰大夫
楊鏐躬率縣吏民庶祈雨於白龍之神幸龍之明德不越
夕而甘雨降應如影響稼穡以之而興縣境自是而蘇焉
邑民霍直等白於大夫曰今衆庶感龍之惠願各持寶貨
剏龍堂一所以答神休乃選材飭工約而中度麗而不奢
經之營之不逾月而歡樂成之大夫特牒上司敷奏天廷
乞賜嘉號庶旌龍之效耳元豐五年

右碑在嶽西南麓瀾濟
公廟文見岱史久佚

重修靈派侯廟木帳記 象額 王或撰 魏寶正
書 在城南靈派侯祠內

元豐八年六月

東嶽靈派侯廟重修木帳記

岱宗鎮東方爲嶽之伯其山實萬物之始而其神主生氣
天子告祭柴望以禮而庶人奔走饗獻以誠故災沴不作
休祉來應然所主者岱宗之神而左右附於神者司掌不
一所以各建其祠而存夫像也山麓之右有水派而南者
臺相傳曰濛河河濬之東有祠焉表以將軍之號見於舊
碣昔嘗聞道微大師索文湛曰祥符初章聖東巡法駕順
動侍臣衛士洎蠻貊來朝者無慮百餘萬人皆泊于山下
須水以供飲濯方患河之已涸而轉盼之間淵泉復溥源
源不竭由是蠲渴滌盆上下獲濟此皆尸河者之靈應也
升中禮畢天子嘉其功封以侯爵爾後益利及四方之民
無窮近歲邑人篤於信神者多夢濛河之神警以禍福俾

其人避惡而趨善示神之化也噫神之至幽所職或遷而於禍福之權有所兼固不可致詰而嚴其祠事以答靈貺宜矣祠堂中有木帳久而蠹弊不足以護神像邑人王文知神之不可不欽而欽之之誠無以至遂首出錢十五緡又得樂從者其力以資助乃命良工購榿楠易而新之亦見其欽神之誠至也書曰至誠感神然事神者以誠之至而不祈其報孰謂不獲其報者哉方飭材之初於祠之內外植柏七十株培壅灌溉以致悅茂冀其永久也功休求爲之記或以邑人之志書云時
大宋元豐八年歲次乙丑六月四日前進士王彧記
山魏實書 歷山王補之篆 呂口刻石

右碑高三尺六寸闊一尺七寸字十八行行三十二字正書字徑五分額題重修靈派侯木帳記八字篆書徑一寸七分四行碑已斷今嵌於靈派侯祠內火池壁東面

修漢武帝廟碑

正書 在新甫山西麓

元豐口年

右碑連額高六尺廣二尺文漫滅行字皆不計正書徑七分案新泰縣志廟久廢西麓有碑聲類磬爲樵牧石子所擊遍成圓凹深闊皆三寸許字無一存惟額上有漢武皇帝之碑六字今驗此碑漫滅卽非圓凹深潤之處亦無可辨惟碑下截之末每行存二三字然可見者祇十六行幸其中一行有元豐二字可定此碑爲宋刻也凡存四十餘字不至如志所云無一字存者

劉袞等題名

正書 在山頂碧霞祠西與馬熙題名同一石

元祐二年 正月

兗海守劉袞奉詔祈雪次謁玉女祠率巡山劉孟邑令林

會登二絕頂臨四觀遍覽勝槩元祐丁卯孟春三日

右磨崖縱廣二尺橫寬三尺題名八行正書徑三寸案宋史哲宗紀元祐元年十二月戊申詔以冬溫無雪決繫囚是以二年正月三日兗州守奉詔祈雪於泰山也林會於熙寧八年官為掌嶽掾見馬熙磨崖至此越十二年而為邑令矣此邑令殆即奉符縣也

趙合煒愿施石柱記

正書 在岱廟 三茅殿今佚

元祐二年七月

長清王揆題名

正書 在靈巖 功德頂佛座

元祐三年

王撫等題名

正書 在靈巖 千佛殿碑陰

元祐三年

劉仲平題名

正書 在山 上水簾洞旁

開封趙令緋紹聖改元濟南從事罷官敬謁帝祠時窮冬不能遊岱宗快恨而去明年為東魯別駕復得以職事思造祠下遂登絕頂東望日出遍觀古迹巡山張佖邑尉劉迹同行紹聖三年四月朔

右題名十一行正書徑寸五分案泰安縣志金石卷載此題名邑尉劉迹闕迹字

張佖等題名

正書左讀 在振衣岡

紹聖三年四月

開封張佖宛陵梅昌術同登太平頂介下虞老侍丙子四月十七日

右題名五行左讀正書徑二寸丙子是紹聖三年開封張佖時方巡山故四月朔日與趙令緋同遊至十七日復遊也案泰安縣志梅昌術作梅昌遊四月十七日志無十字今悉據碑錄之

三壇寺阿彌陀佛宰堵波銘

正書 在琨瑞山 青龍峽石塔座上

紹聖五年二月

齊州歷城縣三壇寺阿彌陀佛宰堵波銘并序

神通寺住持福勝寶山 玉福玉祿玉禎玉俊

補陀子潘卞撰 應鄉貢進士馮睿書

阿彌陀佛宰堵波者比邱福林為父母所造也福林俗姓鄭父諱朝宗素學儒經稱為長者元豐五年六月二十四日卒於俗舍年七十五時當溽暑及斂淡旬顏色如生蠅蚊不近良福善之所感也母畢氏持齋事佛布施勤約元祐六年前八月初四日卒於俗舍年七十六老染微疴雖修懺悔良順生所報也福林姊福燈頭陀苦行大戒卯齋

元祐六年二月

蔡安持詩刻

行書 在靈巖御書閣

元祐七年十月

四絕之中處最先山圍宮殿鎖雲煙當年鶴馭歸何處世上猶傳錫杖泉

元祐壬申十月中澣睢陽蔡安持資中題

右碑高三尺五寸廣二尺詩三行在右年月姓名三行在左並正行書徑三寸年月三行之上空二字空處有劉德亨正隆題名案靈巖寺有絕景亭僧仁欽建亭有西景曰羣峯獻秀曰甘泉漱玉曰松舟挺翠曰巖花啼鳥即詩所謂四絕也魏僧法定開創靈巖苦乏水謀於佛圖澄澄曰何地無水至一處曰此下有甘泉以九環錫杖卓之得泉詩世上猶傳錫杖泉者是也

卞育遊山詩

見金石文字記今佚

泰山志卷十七 金石

元祐壬申

王母殿勅置花園記

正書 在王母池二門內牆根

元祐八年

上官均題名

正書 在振衣岡

紹聖二年十月

京兆上官均以使事抵奉高同靖恭楊昇遊嶽頂觀日出

攬歷代遺迹紹聖二年十月七日

右題名五行正書徑寸五分宋史上官均傳紹聖初拜右正言以章惇怒遷工部員外尋提點京東淮南刑獄據此題以紹聖二年使事抵奉高當是提點京東刑獄時惟史稱均為郃武人此題作京兆為異

趙令緋等題名

正書 在振衣岡

紹聖三年四月

茶毗其骨負之推置於福林受業齊州歷城縣神通三壇寺俾近四門石塔東北隅三十餘步就山鑿石成瘞坎以藏之運磐石以覆之起七級窳堵波以表之龕阿彌陀佛以事之求舍利以鎮之始於紹聖三年六月初三日第三級功畢成其年月日皆悉資薦考妣以求冥助也補陀子潘卞尉于茲邑福林者適當營建之將成哀懇求銘并序始末既素與善之又義其孝思獨力成辦乃為作銘銘於塔曰西方有佛號無量壽四十八願普度羣有罪滅口途樂資無垢福林建塔上為父母一善從心千佛授手劫火難焚此塔不朽

大宋紹聖五年二月初十日上石李道刊

右三壇寺塔銘字二十九行行十五字字徑一寸
正書在神通寺東南半里青龍峽石塔座上南向
李迪遊靈巖詩刻正書在靈巖般舟殿大門壁

紹聖五年三月

大丞相文定公遊靈巖詩

靈巖山勢異金地景難窮塔影遮層漢鐘聲落半空千峯

羅雉堞山如城壁之狀萬仞聳屏風飛鶴來清竇有雙鵝泉剝魚掛古

桐名會參四絕封合亞三公在秦山後勢徹河壖遠形差嶽鎮

雄仙閭隣峻極日觀伴穹崇邃洞連蓬島重巒鑿梵宮山面

有證明功德嵌望應銷俗慮登喜出塵籠獻壽嵩衡並分茅海岱

同良方標出震午位對升中嵐滴晴烟碧崖鋪夕照紅巍

我齊太華奇勝敵崆峒鍊句供詩客模真怯畫工天孫分

怪狀神化結全功吟賞慵迴首雲泉興愈隆

前字十八行行十字徑一寸二分正書

先丞相天聖間嘗留詩寺壁後主僧刻石逮今歲久字畫

剝缺因命工再刊于石紹聖五年三月中浣日姪曾孫新

滑州白馬縣主簿李侃敬書 正監寺講經論沙門口口

前字四行行十五六字徑七分正書

金石文字記云右小石刻在長清靈巖山寺中其山距府九十里南接泰山北帶龍洞齊乘以為疑即水經之玉符山而魏書所云則公谷者在其東南自前代稱為勝境宋金元人題字最多予至則當兵火之後縱橫偃暗委之荆棘瓦礫之中然猶得唐一宋金元合四十餘元以後不能悉數唐刻為天寶十一載造舍利函記文不工不足錄而宋刻年月序次以此為首案史李迪謚文定前後三知兗州其再任則仁宗天聖中也

回回翁詩刻二 正書行書 在城內關帝廟

紹聖五年三月 政和六年六月

昔日曾遊此如今九十春紅塵多少客誰是識予人回回

翁題 紹聖戊寅三月二十一日畱題口口口上

昔年畱字識曾來事滿華聲遍九垓無賴蛟虬知我字口

畱踪跡不沉埋回公子口 政和丙申六月十八日題於

王母池北

右碑高二尺七寸廣一尺七寸五分碑分上下二截上截五絕詩一首旁署回回翁題並正書下截七絕詩一首行書旁署回回公子下一字不可識一行草書在泰安縣會真宮故址關帝廟大門內西壁碑上截畱題處所字已漫滅但有上字下截云題王母池北據泰安縣志稱王母池上有王母洞相傳純陽子鍊丹於此額曰呂公洞頗疑此碑必是當時道士託為仙蹟誇耀于人也會真宮在城東南隅古之奉高宮也明萬曆二十年

年燬于火宮遂廢後即其址建關帝廟

桃源峪諸人題名五首 正行書 在山南

紹聖等年

朝奉郎張邦茂宣德郎張權道觀主劉子諒宗紹聖二年

十二月十三日同遊劉太和書 正書 劉康叟紹聖丙子五

月二十八日觀 正書 口孺具酒約文叔端夫子方應之曰

回甄甫辛卯季夏十二日同遊 正書 趙茂實曹世隆徒步

到此政和甲午季夏十一日 正書 長清董元康政和甲午

仲秋日訪泉石因攜家飲此質贄賁侍行 行書 左讀 董元康

遊甲午仲秋日 正書 左讀

嶽陽萬山樓北為桃源峪層崖沿流宋人題名於上其張邦茂輩五題名俱有年號惟大書曰孺一段時在辛

卯則徽宗改元政和也
至董題凡二亦大書

圓通經并楞嚴偈刻

蔡卞行書在靈巖御書閣壁

元符二年十二月

覺海性成

云云不具錄

元符二年十二月十三日蒲陽蔡卞書凝寒筆凍殊不能

工也

妙湛揔持

云云不具錄

建中靖國元年冬十一月五日池陽慧日院南軒續此偈

崇寧元年十一月鄱陽齊迅施刻於靈巖寺

住持傳法淨照大師賜些仁欽立石 匠人牛誠刊

右刻偈四石各高一尺二寸廣五尺偈語題款俱在書崇寧元年立石題名三行正書前段之末空處有方

題刻二行云嘉靖元年三月六日棠陵方豪再觀鳴呼
君子可以人廢書乎其錄空處又刻觀者姓名案宋史
姦臣傳蔡卞登熙寧三年進士紹聖四年拜尚書左丞
專託紹述之說中傷善類徽宗即位黜知江寧府連貶
少府少監分司池州纒踰歲起知大名府徙揚州召為
中太乙宮使擢知樞密院此碑前段書於元符二年十
二月正官尚書左丞中傷善類之時後段續於建中靖
國元年十一月正貶少府少監分司池州之時逾年即
改元崇寧至十一月靈巖刻石而下已知樞密院矣碑
所書偈於靈巖毫無繫屬卞於住持仁欽亦毫無因緣
徒以蔡氏兄弟同居宰輔勢焰赫山僧無識藉刻此
卷以增光寵耳蔡京所書元祐黨籍碑百年而後猶重
刻於南荒彼蓋因黨人重也此碑以藏之名山垂八百
餘年而點畫完善豈非因地而重哉棠陵愛其書至謂
君子不可以人廢書殊不謂然

劉晦叔等題名

正書 小蓬萊 在

元符三年正月

孫慚寺題名九首

正書 在泰 山銘東側

元符等年

元符三年九月二十三日孫節楊景李堯臣李敏能同登

泰山三頂觀歷代遺跡正書 建中靖國元年三月二十

四日楊舜賓李子儀趙公立呂君禮同遊正書 郝樛年田

國材許遜程康崇寧初元季春念六日同登岱三峯正書

王宜崇寧元年正書 趙子和趙君安口口源崇寧四年

乙酉季秋同登泰山三峯刻石磨峯側正書 行宮至十月

宣令權且停罷宣到岳高昆監修東岳興國七年正書 多漫滅

讀不成文 太原王貽公口與天水趙明誠德父政和三年問

正月八日同登正書 清和張大受河南褚完善昌黎韓通

叟政和五年九月六日同登正書 廣川董堯問峯巒秀祇

恐黃筌畫不成正書

右題名九首大半為嘉靖題名所剗毀多從筆蹤影迹
搜剔得之董堯問一首後半是詩僅末句可讀太原王
貽一首內有趙明誠姓名訪碑諸家所未經見者特為
拈出諸條皆縱橫參錯聯為一片因不復分晰與孫慚
等連綴錄之

李諒等施鐵桶記

正書 在岱廟

建中靖國元年五月

山左金石志云右鐵桶二在岱廟東墀下高可四尺餘
徑三尺餘每桶有銘四段正書字徑寸餘一桶曰大宋
國兗州奉符縣獻鐵桶會首李諒右諒竊以神功默運
潛持禍福之權妙用無私密握生成之造伏見國家尊
崇廟兒百物鼎新而聖帝廟前闕少水桶二隻今糺到
敬神之衆其結良緣具姓名如後云後雜書姓名及
施錢之數內有王助教妻賈氏孫向母張氏施錢伍及
永靜軍梅恕等字末云匠人萬浩弟昱男真一桶雜書
施錢人姓名內有樊塢及萊蕪監釘施冶李冕鑄等字
末云右眾會人并發虔心謹捨淨財共成勝緣伏望聖

慈俯照察建中靖國元年五月日會首李諒等獻案銘
文稱王助教攻宋史職官志別無助教之設惟合班之
制有諸助教之稱此但言助教者殆諸參軍助教也樊
塢之塢音淨宋時盛以此字命名萊蕪監鈎案宋史地
理志襲慶府注云萊蕪監鐵冶而此似銅字未詳何故
孫向母應亦施錢伍貫造范者伍字下軼貫字也鐵桶
二隻計錢一百六十五
貫可以知其所直矣

趙令焯題名 正書 在岱廟今佚

建中靖國元年九月

郭異等題名 正書 在虬在灣北

崇寧元年

王母池石上題名 正書 在王母池門外旂竿石側

崇寧三年四月

靈巖寺吳拭詩 正書 在御書閣

崇寧五年

余赴治歷下謹拜香于靈巖道場靈巖固東州勝絕處余
聞之舊矣然不知與武夷昇真洞天相若也余既幸供佛
飯僧又經行宴坐之地了了然如家山間住山仁欽師初
不與余接問之蓋鄉人也因作三小詩以誌其事 丹峯
翠壑一重重香火因緣古寺鐘若有金龍隨玉簡武夷溪
上幔亭峯一麾邂逅得東秦憶別家山六度春何意眼看
毛竹洞主人仍是故鄉人大士分身石罅開輕煙微雨證
明臺灑然一覺鄉關夢換骨巖高好在哉 崇寧五年丙
戌夏四月甲戌建安吳拭顧道題

右序詩年月共十六行序以十二字為一行詩以十六
字為一行字徑寸各界方格筆法秀勁鋒穎如新不經

風雨故略
無剝蝕

范致君題名 正書 在后
土殿夾牆間

大觀元年正月

武夷范致君久慕仙風自楚之魯遂登泰山以望八極之
表有宋大觀元年正月廿三日記于是碑 后土聖母殿

七字 上石

右石高廣一尺五寸正書七行行六
字徑二寸末后土一行小字注于左

大觀聖作碑 正書額 在
文廟泮橋西偏東向

大觀元年九月

右碑連額高丈許廣四尺額題大觀聖作之碑六字行
書徑五寸許分三行文二十行行七十一字後年月刻
石三行諸臣銜各四行並正書徑一寸李時雍摹寫
京題額李書畫細如髮瘦挺似褚河南題額以御製

聖作昔人謂猶以公主為帝姬也大觀元年三月
八行取士科入行者善父母為孝善兄弟為悌善內親
為睦善外親為嫻任於朋友為任仁於州里為恤知君
臣之義為忠達義利之分為和反是為入刑前列詔旨
後列科條以勸居中請頒行天下郡邑於是其在學宮
皆有是碑摹刻無異頒詔于元年九月刻石於二年八
月今山左郡邑存者
尚多泰安其一也

郭思遊山詩刻 金石文字記
在靈巖

大觀戊子

靈巖寺崇興橋記 篆額 郭思撰
在靈巖寺外橋邊 行書

大觀二年九月

齊州靈巖崇興橋記 朝奉郎新差權通判岷州軍州管
勾學事兼管內勸農事兼管勾給地牧馬事雲騎都尉賜
緋魚袋河陽郭思撰 承議郎知南外都水丞公事專切

提舉廣武雄武埽濟南王高篆

靈巖勝境仙聖所居金石可見自後魏正光中法定師復興是寺迄今已六百年至吾宋熙寧始正名爲十方以容名天下大名德大長老爲住持主而中間去來化滅寺主數易權攝非人緇旅旣來多失所望四方瞻禮因亦衰滅下逮于山租田課僧用佛供寺屋略皆荒落稱是今上嗣位齊州衆求海內高德得建州淨照大師仁欽以聞之朝卽有詔以仁欽爲靈巖住持主欽公至寺之一年寺境清二年學人來三年佛法明四年天下四方知靈巖有人而歲時香火供奉遂再盛欽公曰靈門宗旨雖以寂滅爲宗而象教住世亦必以莊嚴爲助于是起獻堂以處供士

後閣以護禪席口口泉軒以燕見善知識完絕景亭以適游觀再新證明功德殿以快四方禮謁爲供養口惟是山門大路十六七里達寺庭正西口賓旅所由而中路有大溪橫道霖雨暴雨歲費修塞人甚厭苦訪之耆舊皆曰石橋峪而石橋名峪名存跡滅欽公曰橋於此口所宜古之名豈虛得哉日者寺務百施况此橋梁之外先是欽公獻殿四方信悅布施雲委今橋以獻殿羨餘支其費丈尺口訪橋材卽于旁崖良石取足于是諸檀越樂公勸化競相資助橋用以給橋議遂定庫司所備工人哺啜而已于是欽公曰國家設道場廣利益一以濟善因二以資祐國福方今欽崇祖宗以本仁孝吾知國恩者也願吾橋

成以崇興爲名卽以大觀改元十月起役役至次年九月
橋遂成橋長六十二尺闊二十五尺自溪底出溪上高三
十五尺上施屋五楹旁闢欄楯編石架空如研如豁翠巖
之前綠陰之下虹蜺蚪屈若競若拏童不歲勞客不時病
行不履陌道不涉迂以善利濟人以直路指人以不謝之
功施人以不朽之事遣人欽公于勝境結勝緣如此哉余
被恩倅岷商以是月頂禮菩薩至橋下欽公一見謂如平
生聞其一言半偈卽便醒然心眼開大諦觀此一日之悟
乃澳信公長年之益其能主持名山明暢大教固宜屬令
書橋成歲月橋費金錢以緡計者千有奇石以緡計者
千有奇人匠以工計者九千有奇管勾

橋在明孔山西靈光亭北於噉欽公指迷說幻將大悟人
于正路以爲大導師况此一路徑事乎救患拔殃廣度人
于苦海以爲大法橋况此一溪澗事乎春秋新一門一廡
聖人必謹書之以見舉措之當否此橋利益安得無辭于
是退而書之命小子升卿書丹以寄 大觀二年歲次戊
子九月壬子晦 齊州靈巖禪寺淨照大師住持傳法釋
仁欽立石 守本州助教楊若拙并妻劉氏同發心施錢
叁拾阡乞係家眷平安增延福壽 長清縣蕉大夫宅楊
氏兒謹施錢伍拾阡充買橋亭上柱一十二根所求利益
伏爲自身與合家眷屬係慶平安增延祿壽 監寺賜紫
僧道口 副寺僧寶月 維那賜紫僧慧敷 典座僧智

恢 庫主僧惠旻 直歲僧道通 首座賜紫僧道舉

知客僧元素 經堂主僧淨泉 侍者僧道岩 開基監

造僧道傳 監作行者孫道彬 緣化頭隨劉道儲 歷

下午誠徐儀摸刻

右碑連額高七尺五寸寬三尺六寸字二十八行行五十字行書字徑八分其額題曰崇興橋記字徑三寸許自第二行至十三行每行之下各缺一字在靈巖道中橋西南向是碑在元豐間刑王臨飛白書靈巖道境四大字今翻轉為北面矣

靈巖寺釋仁欽書心經 篆書 見金石文字記

大觀三年

皇沂等觀音洞題名 正書 在靈巖山頂

大觀三年

鄭秉德題名 正書左讀 在現瑞山千佛崖上

大觀四年三月

平原鄭秉德濟南沈君正同弟天粹自四禪寺登奉春岩

洞詣靈巖道場處天門東口是口大觀庚寅三月廿三日

右題名縱八寸橫一尺二寸字九行行五字正書徑寸左讀其右尚有一行漫漶不可辨石上平而下經雕鑿左右圓斜向內居中尖起二寸似係器物之蓋頂題字在上平橫列尖處各分其平也乾隆乙卯錢塘江鳳彝親搨得之

靈巖寺釋仁欽五苦之頌 正書額 道巖正書 在般舟殿

大觀四年八月

竊觀三界之內唯有五種苦事世人罕知輒書此頌奉勉

幸希省覺住靈巖釋仁欽述

生來從四大假合依六塵妄識投胎殼執情為我身幾回
勞父母恩愛強分親出沒何時了誰知自苦辛生苦心欲
行千里區區不到頭祇隨聲色轉怎肯向身憂面皺眉如
雪貪程尙勿休可憐無智者一似戀枝猴老苦結託空勞
力追陪枉用心一朝牀枕上苦痛自呻吟滿目妻兒女空
生煩惱深此時難替代惟獨自孤衾病苦閉眼從神識竟
靈往那方目前如閻室背後沒星光縱有堆金玉尋思何
處藏孤然無伴侶恐怖自惶惶死苦杳杳隨長夜悽悽實
可傷平生冤枉事酬對直須償唯有修心好前程果自昌
勸君早回首免此五般殃苦

大觀四年八月朔日當寺比丘海補立石 侍者道巖書

濟南徐儀刊

右碑高四尺二寸廣二尺額題五苦之頌四字正書徑
二寸平列於上頌共十二行首行最密三十三字總為
一行餘二十五字為一行正書徑寸楷法清挺完好無
一勅筆頌語述生老病死苦五者之苦皆釋氏常談具
大智識者視之極為庸淺蓋佛門設教大率為下愚人
苦口者多也胎殼之殼即卵字謂胎生卵生也從殼會
意

靈巖寺釋仁欽十二時歌 見金石文字記

大觀四年

平原人等題名殘刻 正書 在小蓬萊

大觀口年

開封人等題名 正書 在靈巖觀音洞

大觀口年

韓夫人遊靈巖題記

正書 在般舟殿

政和元年三月

太寧夫人韓氏朝拜東嶽回遊靈巖觀音道場四絕之所
 崇峯列翠宛若屏圍而北主峯峴然五里之聳兩肩有殿
 號曰證明謂其如來化跡祈應如響於是發精確志不懼
 巘嶮乘輿而步其上仰瞻紺像欬敬不已及觀巖麓木怪
 石奇景與世別眺寓移時頓忘塵慮若非聖力所加從心
 之年焉能至此於內自省尤為之幸仍知名山勝槩傳不
 誣矣時政和改元季春念五日 孫男左侍禁曹洙 三
 班奉職淡 右班殿直涇侍行 使女熹奴孫倩奴喬口
 口口口奴張熹奴祝美奴楊藥奴朱采奴薛珍奴張望奴

董行

洙奉命題紀崑石

徐儀刊

右碑高二尺二寸廣一尺八寸記十二行行十八字徑
 寸許王書兼行體夫人母族韓氏歸於曹為曹洙曹深
 曹涇之祖母封太寧夫人洙兄弟皆官居右階宋史無
 傳可攷碑稱從心之年焉能至此則夫人年已七十矣
 使女從行亦得刊於碑末又金石之一例一夫人行而
 使女從者十人可謂豪矣然以高年之人不懼巘嶮步
 上證明亦足徵其奉佛之誠也

淨照和尚誠小師碑

行書 在靈巖般舟殿

政和元年七月

住靈巖淨照和尚誠小師

吾來住此不覺十載為國焚修稍成次第今為年老衰邁
 精力勞倦難以久居又忽見秋風落葉意思闌散孤月寥
 天寒岳蕭索感懷情動頓起休心欲慕退閑偷安養拙不

免與諸子別離古者云父子雖親其路各別自此已往汝等諸人各自努力進修切莫虛度時光一剎那間便是它生異世懃持行業慕道為心報答四恩三有出家之子義聚沙門但且上和下穆兄恭弟順一師之下百歲同條若以逆諍相違自然不能安處順吾言者是吾弟一者非吾弟子臨行相別聊書此偈付汝安懷各物外翛然獲自由懃懃諸子送佗州白雲暫駐無方所明月相隨到處優巖谷乍拖終勿思林泉幽景豈迴眸吾今此去聊相別汝且和光混眾流

政和元年孟秋月十有八日寄濟郡東禪西軒書付誠小師

右碑高三尺五寸廣二尺文十七行行三十字正書
行體年月後列諸徒五十九人名皆同立石者又有徐儀刻三字淨照和尚即仁欽此碑是久住靈巖退老濟州之東禪寄此偈語以誠其舊住之諸徒也諸徒中同道字輩者五十八獨首一人海潤不用道字詩偈中作拖字不可解据文義當是乍拋政和元年上距大觀二
年建崇興橋作記立碑事踰四載然則淨照在寺經營
修建者五六年鉅工甫畢而即退休不異吾儒之急流
勇退者矣

景禧等題名 正書 在 小蓬萊

政和政元十一月

靈巖寺釋仁欽十二景詩 見金石文字記

政和元年

靈巖寺劄付 見金石文字記

政和元年

鄧永年題名 正書 在泰山愛身崖

政和三年四月

巢鶴巖題名八首 在靈巖山頂

政和等年

杜綰裴秀回劉永施經里仲壽沈邦傑僧廣先智思登證

明回偈道傍政和癸巳季秋十九日邦傑書 左讀 東平宋

安中同張遠來遊覽山景口季春下旬 大名朱元宜張

應之庚子同登 穎州口奇號琮遊 博州高唐劉生同

妻索氏遊頂回 宣和二口三月十九日稅 左讀

口邑縣口安同宋口江南欽州程口濟州口 左讀

妣存口如口 口峭壁屏口屏口至道口郎 左讀

次口州蔡禮題

右題名正書大小不一並在靈巖巢鶴巖下盤路石壁其中紀年明確者惟第一首政和癸巳蓋三年也此磨

崖之左即與半堵倚方山證明功德記接連

張泱等題名 正書 在泰山銘東側

政和四年十二月

岱岳觀董元康題名 正書 在碑側第一層

政和甲午九月

趙子明謝雨記 行書 在靈巖般舟殿

政和五年四月

政和乙未經春不雨百姓咨嗟思欲禱於法定聖像誠心

一啟甘澤隨降遂消吉辰詣靈光致謝因覽諸衆經日而

還向子千涓同至縣令趙子明孟夏廿一日 監寺僧昭
戒立

右碑高一尺廣三尺許題記十一行行六字行書徑二寸法定為靈巖開山之初寺初患無水有雙鶴飛鳴遂得二泉名曰雙鶴後一泉塞一泉尚存遇旱禱雨多在干此

錢無咎等題名 正書 在呂公洞北側

政和五年十月

李堯文題名 行書 在靈巖伽藍殿

政和六年閏正月

山陽李堯文自汶以事至東武由奉高祠嶽過靈巖瞻禮觀音像登證明龕盡得遊覽之勝政和六年閏正月

右題記六行行書徑一寸五分

贈朝散郎孫觀墓誌銘 正書 許翰撰書 在婁德鎮萬壽宮壁

政和六年

宋故贈朝散郎孫公墓誌銘 朝奉郎行秘書省校書郎

兼國史編修官編修六典檢閱文字賜緋魚袋許翰撰并

書 承議郎秘書省著作郎編修六典檢閱文字李敦義

篆蓋

政和三年余入校中秘書所與並遊往往鮮明辯麗英發可喜而魯國孫君聖求獨靖固淵塞渾然難知余心異之曰此豈非曲阜闕里之風也哉吾今乃知天以夫子之教興於魯者因其質厚如此而文生之也後二年謁其丈人

大夫公於東郭私第聽其議論重德人也又一年其家卜
葬其先大父則狀其行與事而請銘於余余既得交於聖
求父子間又得於此考觀其世德之經緯本末喟然歎其
積之遠矣因益見魯多君子足以發吾昔日之言爲不妄
也遂書其躅而銘以亂之君諱觀字明之充之泗水人曾
祖諱程祖諱榮考諱達世世以農服田至君之考乃盡割
膏腴以與兄弟而自取磽薄力耕其中君少而孤食龕攻
苦事繼母接諸弟以立家母爲敕戒所生無得恃吾故亂
兄治官府有政與勤其弟吾寧以身往役發於誠心以故
上下依懷閭門大和歲惡人爭貨粟於官君獨不往曰今
自刻厲尙可以生貨而不能歸是欺國也其居鄉能以義

舉動人沈毅慨慷時有俠氣有惡少自以負君妄意君心
結客數十撫刃從君君正衣冠而叱之惡少心震氣褫失
刀墮地數以云云不覺膝屈請得改事君因與講不復帶
芥巨寇將至鄉人大擾謀徙避之君止之曰少埃我卽持
牛酒造寇壘願見因畱與之醉飽歌呼相樂輸以其情寇
壯而義之爲引去有故家子嗜酒不羈君見戒以無頹家
聲發怒辱君君謝遇之益厚其人愧之終身避君縣吏與
君不相能薦數中以吏事後敗困窮君反矧之吏愧亡匿
曰吾無面目見孫君矣蓋其能詘服人心如此大夫罷官
與元聞魯大荒或欲擇居它鄉君不可曰無年如此族媼
日夜望吾至以薦其饑吾何忍擇利自營而不此顧邨乎

既歸施擔卽內外干指仰食君君市米官廩雜糠覈藜藿
相與食之無難色有餘則以餉隣里之窮無告者振施甚
衆大夫官蜀計司取錢引之當毀官者復出之郡縣大夫
月受以爲俸君曰以此與民爲市是罔民也禁家人無得
出積爲錢五六十萬盡廢其後有司逮治操空文以市於
民者官吏皆汗而大夫獨嚼無有蜀人賢之大夫之爲循
吏君蓋多有力焉其自蜀歸則盡舉族人之無後與貧不
克葬者凡三十五喪葬之未疾數月忽戒其子儉葬與凡
家事豫爲條理大觀四年八月辛卯卒於舒州官舍年八
十一以其子恩爲通直郎累贈至朝散郎其治命曰必於
先塋乎五呂葬今以十月甲申葬菟裘東節義鄉甲

與考同域娶曹氏贈太宜人男女二人男琪朝散大夫提
點南康軍逍遙觀女適邑人潘濬孫凡四人傳儉億儔傳
奉以辭學兼茂高選爲秘書省正字卽余之所異爲
同舍郎也億將事郎鄆州刑曹掾餘未官初君未嘗伏術
爲事而行事每與書合又能搏紬自下以延致士教其子
孫讀書以故子孫彬彬多以文行著云銘曰

暴興非祥墮神姦慶積離久乃見端根蟠源汎天所艱擢
爲脩林舒長瀾孫氏世隱根寬閒逮君負能不施官人文
不琢天守完俟天我昌匪力干裔曹袞袞方彈冠謂君未
顯非今患昭詩佳城唯後觀 裴通苗成魏通模刻

右碑高二尺八寸廣二尺五寸文三十五字
字正書徑五分篆蓋未見極書者許翰碑前結銜稽之

宋史翰傳皆所不載蓋史闕也孫明之之孫傳宋史有傳稱傳字伯野登進士第中詞學兼茂科為祕書省正字校書郎累官中書舍人宣和未高麗入言事被貶許翰論救翰亦罷之靖康二年以留守從欽宗北狩死干朔廷謚曰忠定此碑載傳以辭學兼茂高選為祕書省正字正與傳合但史稱傳海州人此碑孫明之為泗水人殆明之與傳時隔三代由泗水遷籍海州未可知也碑文首云政和三年下云後二年又一年則是以當立於是年矣

居中效安石題名 正書 在青 帝觀唐碑側

政和丁酉四月

張勸靈巖觀音道場題記 正書 在靈巖 功德頂西北崖

政和七年正月

靈巖山觀音菩薩昔所化現天口之口跡維時四大口政和歲在丁酉首春甲午朝請口口充右文殿修口口

勸來守濟南為題峯口著口名以彰其實

右磨崖高一丈廣五尺前有靈巖觀音道場六大大字每字徑三尺餘後係以記三行行徑五寸並正書

崔大防等題名 正書左讀 在靈巖觀音洞

政和七年三月

博州崔大防周君度同登證明口到遊漢仙洞時政和丁

酉歲三月十四日題

有題名四行正行書左讀其在隱隱有字二三行不能辨

楊昇等觀音洞題名 正書 在靈巖觀音洞

政和七年

博州楊昇同楊善到此政和七年 下

右題名 二行

梁西均觀音洞題名 正書左讀 在靈巖觀音洞

政和七年四月

汶陽梁西均挈家同遊適潘女悟通侍行政和丁酉孟夏

皇

右題名二行左讀即在楊昇題名之左兩相
接連侍行之女名悟通始皈依佛門者也

陳國瑞題名 正書 在石經峪崖上今佚

政和七年

蒲陽陳國瑞子玉校學奉高遊石經峪熟視筆畫字徑尺餘非人所能歷千百年曾不磨滅豈非神力護持以遺觀者政和丁酉春餘一日承議郎知縣事鄭溫恭勒石

王安石題名 正書 在山頂 宋磨崖東今佚

政和七年四月

政和七年四月十九日臨川王安石介甫與南陽鄭居中

口口同登訪口奉符尹鄭溫恭偕行

王喚靈巖寺飯僧記 行書 在靈巖寺

政和八年六月

王喚被旨特許因職事到濟南營治亡妣喪事小祥前入

山劉材韓洵王永夏侯不羣同行政和八年六月廿有

七日

右刻高一尺五寸廣二尺記十一行行八字行書徑寸許玩碑文似王喚方居母憂未及小祥因事起復道經靈巖飯僧追云祈福也如老者似即宋齊古施五百羅漢記所稱住持妙空大師淨如也

升元觀牒 篆額草書正書 在山東南址朝元觀內

政和八年閏九月

尚書省牒秦寧軍奉符縣升元觀

秦寧軍狀據兗州儀曹掾兼兵曹黃亮狀稱契勘兗州奉符縣泰山之下有古洞天月三十日名曰三宮空洞之天載在圖經是實即目官... 通連嶽廟之後殿屋完備... 任從民間安攢邱墓... 借申朝廷改為道觀州司看管本院委合改充前件洞天道觀伏候 指揮

敕宜賜升元觀為額歷至准 敕故牒

政和八年六月十四日 牒

起復太中大夫守左丞王序 特進少宰占

起復少保太宰匡 太師魯國公不押

政和八年閏九月二十一日襲慶府管內都道正兼權措

置升元知觀事洞元大師賜紫道士李仲昭立石

金石文字記云泰山東南麓升元觀牒大字草書甚道勁不知何人筆錄之以見當日牒文之式考宋史婁寅傳但云政和二進士為上虞丞不言歷官兗州亦可以此碑補史之闕其曰太師魯國公則蔡京也 普照寺有金大定五年牒長春觀有元丁亥年牒其式略同金元碑並有印曰尚書禮部之印即今通行大篆文不用女直 蒙古字 右碑連額高四尺六寸五分闊二尺字大小入行每行長短不齊額曰升元觀敕古籀書字徑三寸其牒奉敕已下十六字行書字徑四寸許甚道麗不知何人筆餘皆正書如首列尚書省牒一條字扁而寬三寸許又泰

寧軍狀等語字徑六分至年月後書官銜三人名有押
惟魯國公不押字徑一寸略同案碑云起復太中大夫
守左丞者王黼也特進少宰者余深也起復少保太
宰者鄭居中與泰安縣志誤以特進少宰為劉正夫
安隆題名 正書 在王母池
大門外旛竿石上

政和八年九月

董元康石刻 正書 在岱
岳觀今佚

政和八年

金石文字記云石題名在岱岳觀予既錄唐碑往返數
四道士謂余曰昨發地得石刻二請觀之其文亦可采
因附焉下
題同此

盛助題名 正書 在岱
岳觀今佚

政和八年

金石文字記云戊戌乃政和八年其年十一月己酉
政元重和日決獄者獄而後之古無仲夏斬決之事也

賈洵題名 正書 在秦
山銘東側

政和八年

靈巖寺朝洵三人題記 正書 在靈
巖御書閣

政和八年

何亭玉等功德頂題名二首 正書 在靈
巖山頂石龕

宣和元年三月

右題名二首前段四行存者封十蘊資遊觀三月二十
三日凡十二字可辨後段三行云何亭玉唐口儀來遊
宣和元年三月
廿五日左讀

錢伯言遊覽記 行書 在岱廟殿西
墀今佚 文入岱志

宣和二年九月

金石文字記作錢伯言題名云舊在宋天書觀後
人移之州城內岳廟中墀古松下行書大徑尺餘

右碑行書字大如掌在岱廟峻極殿西墀下南向其北面有篆額曰襲慶錢守紀游碑陰鄒宏文跋方元煥行書字徑二三寸不等兩面文字皆灑脫入妙乾隆三十五年重修泰山諸祠是碑乃廢

避風崖諸人題名正書在山頂

宣和二年

補之及之貫道自絕頂迴歇此巖下 饒陽鎮田完全史

賽李千遊岱頂庚子三月六日記張進口 磁州左口揚

式王立楊玫曹渙宣和次歲三月口日遊此 係順軍安

立同妻牟氏并男口奴外生魏琦宣和次歲三月六日登

頂遊此記 千乘縣十河店陳文鉅宣和二年遊頂記

沂州沂水縣張買奴遊頂宣和二年三月十日記嚴青口

鉅野簿文叔劉子口張恭文遊頂迴宣和庚子三月十

五日

案岱巔天街石厂南闕為避風崖多宋人題刻俱正書惟晁補之等題一則在崖之東其田完以下題名凡六並列此崖之西為廬市所掩

劉宗等題名正書在山之東北海螺峪磚塔座上

宣和三年四月

李唐臣觀音洞題名正書左讀在靈巖

宣和四年四月

清平李唐臣范庭口鄭伯温王秀姬田汝霖遊此宣和四

年四月三日

右題名三行正書兼行體

朱濟道詩刻篆書在靈巖坐落房

宣和五年二月

二年催遣向東州見盡東州水石幽不把尋常費心眼靈巖消得少遲留右一東州山水亦堪遊及至靈岳分外

幽會有定師能指示直須行到寶峯頭右二

宣和五年二月初九日朱濟道偶書呈如公妙空禪師

口魏濃定禪師乃觀音化身初居靈岳口口神寶峯作釋

迦石像良有深旨

右碑高二尺二寸廣四尺篆書七絕詩二首連款共十四行行六字字徑三寸末有小字注二十行共二十九字亦篆書徑一寸朱濟道不詳何許人如公妙空禪師者靈巖住持淨如也以法定禪師為觀音化身初見此注

靈巖寺海會塔正書 僧祖英 在靈巖寺

宣和五年七月

有魏正光迄今聖宋綿歷年餘八百寺號之更遷人物之臧否以致隆窳不可悉數逮夫規式皦然緇侶雲委土木備舉殿閣一新無如今日堂頭妙空禪師唱導之閑獨念當山從來先亡後化積骨遺骸有力則疊石累瑩星分隴畝孤窮者暴露坑澗灰燼狼藉殊無以表叢林義聚之義宣和癸卯寒食師躬率眾饗祭祖師宰堵之左忽惻然為懷即日芟草定基揆作海會之塔庶幾聚其散帶以合為一且便後來順寂有歸於是舉眾驩然嘆喜師勇於有為而作利益事乃僉請醵金請助其費六月初一基土為穴作壙壙分為三中安住持東安僧徒西安童行七月十五

告成預令報諭徒季收斂棄擲二十日營辦供食嚴持香燭與闔寺之眾作種種佛事迎而葬之已往者既獲安其地後來者亦乃均其利舉家靡不相慶曰吾儕像教獨善其身爲目前計者倒指皆是今堂上老師作利益事以垂永久非願力廣大悲智圓融何以能此感請書其歲月監寺比丘祖英謹題

右刻石縱一尺五寸橫三尺許記文二十八行行十三字正書圓勁似景龍鐘銘自魏正光元年庚子至宣和癸卯實六百四年而碑云年餘八百者蓋記憶之訛也海會塔今南方佛寺謂之普同塔明孫克宏碑目有靈巖寺普同塔銘疑卽此碑

青帝觀真君殿記

篆額正書

周顯靈撰張振在青帝觀大門內

宣和五年十二月

東嶽青帝觀真君殿之記

總真居士周顯靈撰

補口

校正御前文籍□□人張振書 丹林郎李保存篆

於戲魁乎偉乎舉六合於太虛之內者元氣之力也包總晦明維持終古而不覆墜者至神之功也神無方而有方者賴焉神無名而有名者□焉神也者妙萬物而爲言聖也者大而化之之稱至精者爲至粗者所歸至妙者爲至顯者所持凡囿於名教之域莫不皆神之所主聖人郊禋澤痊各從其類致其禮彰其用歲暮臘蜡合萬物而索享之無一物之精不求而報其主物之功然時有用舍各有高下而神之所□又有貴賤剛柔之別五行之尊者在天爲五帝在地爲五嶽在人爲五常在身爲五藏在物爲五

事未嘗不各從其類而有所主火爲文見於離明之方而
帝與萬物相見於是乎在水爲武潛於幽朔之位萬物至
是而堅凝伏藏惟其堅凝是以毅然不可犯可得而犯者
所恃焉惟其伏藏是以出而應物則天下無敵龍爲五蟲
水類之長水之至精所生方其伏于混茫潛於纖芥其質
也極天下之至微其氣也□天下之至妙其神也游天下
之至幽及其風雲旣會出面布四海之澤則雷雨之動盈
於九區其體之廣其氣之雄蔽塞宇宙矣此水德沉潛之
効也乾爲八卦之君處西北至陽闔闢之方其六爻□致
則成亢龍於象又爲寒冰此水德剛健之功也不爲五行
之祖與土同王於坎宮四象萬物資之以始生故元武之
其金木二體而水火之色存焉乃四象所會而歸根抱
元以守其宗惟其能以至柔□□□之至剛使不能有所
犯是以四象歸之以稟其生以全其養若嬰孺之懷二親
也非大道至真何以及此坎之中有陽□焉以一陽□乎
羣陰之中使昭昭之倫由此以成始成終非不怒而威不
戰而服何以及此我北方作聖真武靈應真君俛金闕真
尊之聖撫有倫孩慕之誠統元天無鞅之猛護億相包育
之羣十極內外神姦魍魎凡爲幽顯害者莫不懾懼□光
闕風震駭□□並仰溥濟無涯久沐德庇獲蒙師禮密齒
學徒之列積有年矣平生于□宗之道□淪警悟披拂迷
□皆睿意所感而遂通之晚□於修真久祝之理薄造淵

與多古今簡籍之所罕載隱倫之所未窺者舉目會心默
而識之非智德洞徹於靈府無以與於斯也今且飭身鍊
行崇建三聖之教總會一真之境仰答宏貺往年祈斗中
七元君上達帝聰願以護師之稱冒千□□已而聖威告
以允旨今以寃魔所戾屯坎萬狀正擬據誠灑懇以俟哀
援俾聖導所能遽成寶績屬大梁□□李□□捐資購工
獨勸真祠于泰嶽青帝觀後金山之端託以記文庶傳永
久殿爲南北五架東西四楹重簷羽揭綺觀聲光丹□□
拱勢紜雲漢中疑睥儼靈衛肅然香燭華實□□行薦
燎之供悉李氏具焉仰瞻岱宗之峻極俯□□□注
所以來中馭而駐倒景恍乎其儀洽乎其應□□□□

濟億兆於千萬斯年其慶李氏之耄□釋意外之愆尤俾
流於世世者方馬□毫之力爾若夫甦□□於困蒙成眞
仙修鍊之業實亦寤寐不忘於大早布雲霓惟洪造鑿而
矜之殿始治於宣和壬寅五月□□日落成於六月十八
日奉安於七月十八日稽首再拜作頌三章章八句曰滄
波浩渺惟水之明雄威淵默惟□之靈靜滋衆彙動應八
瀛我真潛妙我武振亨於皇紫極實爲辰樞乾闥是幹坤
□是扶陽虛焰熾陰厄靖紆至剛莫犯至柔所撫桓桓無
上滔滔至精破萬魔膽滅千妖形□□□禦□之勅儼
茲煥宇永護四生

大宋宣和五年歲次癸卯十二月

日立石

上監修道士

呂善上尚修殿同知觀李賜紫道士張上觀道士李

右碑高三尺四寸廣一尺七寸篆額八字徑三寸作四行文三十二行行五十二字正書徑五分額字已鏤毀隱隱可識在青帝觀重門內西牆間

重修泰嶽廟碑篆額 字文粹中撰 張滌正 在城內岱廟炳靈宮門外

宣和六年三月

宣和重修泰嶽廟記 翰林學士承旨正奉大夫知制誥

兼侍講修國史南陽郡開國侯食邑一千五百戶食實封

壹伯戶臣宇文粹中奉敕撰 朝散大夫充徽猷閣待制

知襲慶軍府事管勾神霄玉清萬壽宮兼管內勸農使兼

提舉濟單州兵馬巡檢公事陳畱縣開國男食邑三百戶

賜紫金魚袋臣張滌奉敕書篆

宣和四年九月有司以泰嶽宮廟完成奏功制詔學士承旨臣宇文粹中紀其歲月臣粹中辭不獲命退而移文有司盡得營建修崇詔旨本末與庀工鳩材因舊增新之數謹再拜稽首而言曰臣聞自昔受命而帝者咸有顯德著在天庭合四海九州之懽心以為天地社稷百神之主故有壇場圭幣以象其物有宮室祠宇以奠其居有牲牢酒醴以薦其潔有祝用號嘏以導其誠其漠然而意可求儼然而誠可格殆與人情無以異是以黃帝建萬國而神靈之封七千虞夏商周文質迭救雖所尚不同而事神以保民其歸一揆故其言曰望于山川徧于羣神又曰山川鬼神亦莫不寧其詩曰懷柔百神及河喬嶽又曰隄山喬嶽

允猶翁河河東曰兗州其山鎮曰岱山自開闢以來尊稱
東嶽其穹崇盤礴雖號爲一方之鎮而觸石膚寸不崇朝
而利及天下是以歷代人君昭姓考瑞盛登封之禮告祭
柴望五載一巡守必以岱宗爲首而神靈烜赫光景震耀
載在書史接於耳目者奕奕相屬也宋受天命建都于汴
東倚神嶽遠不十驛章聖皇帝肇修封祀蓋嘗躬款祠下
欽惟神靈響答之異念唐開元始封王爵禮加三公一等
未足以對揚休應遂偕五嶽咸陞帝號自是宮廟加修薦
獻加厚四方萬里士民奔湊奠享祈報者益日益而歲新
也皇帝聰明仁孝光于上下神動天隨德施周溥旣已躋
斯民於富壽迺申敕中外凡所以禮神祇崇顯祀盡志備
物畢用其至歲辛巳迄於壬寅詔命屢降增治宮宇線
牆外周界恩分翼歸然如清都紫極望之者知其爲神靈
所宅凡爲殿寢堂閣門亭庫館樓觀廊廡合八百一十有
三楹財不取于賦調役不假于追呼而屹然崇成若天造
地設靈祇燕豫福應如響嗚呼眞盛德之事也惟古聖王
先成民而後致力於神故奉牲以告曰博碩肥腍謂民力
之普存也奉盛以告曰潔粢豐盛謂三時不害而民和年
豐也奉酒醴以告曰嘉粟旨酒謂上下皆有嘉德而無違
心也臣竊伏觀皇帝陛下臨御以來夙宵之念無一不在
於民者發號出令以誠以告頒恩施惠以生以育設官擇
人以長以治制法垂憲以道以翼以訓以齊政成化孚中

外寧謐於是國有暇日以修典禮民有餘力以事神祇咸
秩無文周徧羣祀自古所建上下遠邇靈祠告祝于今莫
不畢舉觀是宮廟土木文采輪奐崇麗則知郡邑之富庶
帷帳煒煌袞冕璀璨則知絲枲之盈溢牲牲充庭醪醴日
御則知耕牧之登衍簫鼓填咽歌呼係道則知風俗之和
平神之聽之迺祇陳於上帝用降鑒錫茲祉福則社稷之
安固歷數之綿遠蓋方興而未艾也臣既書其事又再拜
稽首而獻頌曰於皇上帝監觀九有孰贊天緯山川封守
帝欲富民俾阜貨財溥潤澤之俾司風雷東方岱宗是爲
天孫體仁乘震生化之門昔在章聖崇以帝號發冊大庭
五雲前導施於子孫格是神保歲在攝提新宮載考皇帝
慈儉愛民自衷不侮鰥寡不廢困窮神鑒其仁錫之屢豐
皇帝神武赫然外攘馴服悍戾以蕃善良神予其義助之
安疆仁義既洽民有餘力還以報神神居是飭峨峨神居
作鎮于東有來畢作庶民所同惟此庶民惟皇作極丕應
侯志徧爲爾德祝皇之壽泰山同久握圖秉籙歷箕旋斗
祝皇之祚泰山等固鎮安二儀混同萬宇下逮羣黎徧敷
錫之億載萬年惟神是依匪神獨依惟天無私有謠康衢
述是聲詩

宣和六年歲次甲辰己酉朔十八日丙寅建 胡寧刊

右碑連額高一丈九尺廣六尺篆額題宣和重修泰嶽
廟記八字徑七寸分二行文共二十六行行七十四字
正書徑二寸碑陰刻廟官姓名二十行正書徑八分似
前十五行爲宋刻後五行有東平路宣差怯里馬赤等

名目爲元人所刻此碑撰文者宇文粹中書丹者張滌
宋史俱無傳可攷本紀復無制詔撰碑之文禮志不詳
祠宇重修之事而字畫完好規制穹巍周
刻方夔鐫勒工緻實岱廟諸碑之冠也

靈巖寺五百羅漢記 張克卞正書
在靈巖十王殿

宣和六年八月

施五百羅漢記 承節郎張克卞書

梵語阿羅漢此云應受世間妙供養蓋具六神通得八解
脫善超諸有嚴淨毗尼真可以受世間之妙供矣矧茲
五百大阿羅漢者親受佛戒荷護法輪拔濟未來不入滅
度誠苦海之津梁暗塗之燈炬也惟應真示化靈跡至多
故貌像莊嚴崇信愈衆濟南京東大都也靈巖巨剎佛事
最勝而五百羅漢之像未覩其傑齊古竊有志於是久矣

政和之初得官閩中閩俗伎巧甲於諸路而造像之工尤
爲精緻于是隨月所入畱食用外盡以付工人洎乎終更
而五百之像成矣端巖妙嚴奇厖古怪顰笑觀聽俯仰動
靜無一不盡其態自閩而北歷水陸幾五千里而後至於
齊之靈巖齊人作禮歎未曾有噫豈無因相生信因信生
悟者耶齊古自少游學及竊祿仕蹤跡萍梗幾半天下投
老倦游將欲屏跡閭里爲終焉之計筇杖芒鞋一巾一鉢
可以日奉香火澡滌妄緣普及見聞同超覺路此予之夙
志也雖然如是內辨其質莫非彫木外觀其飾盡是明金
然則五百尊者今在甚處若也迷口口數顯是徒勞苟爲
捨像求真却成孤負離此二塗如何則是不見道金雞解

銜一粒粟供養十方羅漢僧 奉議郎賜緋魚袋宋齊古

謹施 宣和六年中秋住持妙空大師淨如上石

右碑高三尺寬二尺九寸字二十三行行十九字正書
字徑寸惟書人姓名極小在靈巖十王殿大門外北向
羅漢像為宋齊古所施碑記亦即所自作其作宦閩中
自闕塑像至五百尊之多不遠五千里水陸津般勞費
極矣惜無傳記可攷不知其作閩何官里居何處然必
於靈巖供養想亦家於齊地也碑云內辨其質莫非彫
木外觀其飾盡是明金是言羅漢
塑像之制則木雕而金裹者矣

王淵題名 行書 在靈巖殿舟殿

宣和八年六月

功德頂佛龕諸人題名

宣和等年

高直臣題名 見金石文字 在靈巖

靖康元年

趙邦美題名二首 正書 在靈巖 功德頂石龕內

靖康二年正月

長清宰趙邦美子相口拉場叔應李充道同遊金僊靖康

下未正月廿二日

禮同恭拜 曹積李流曠口口王斌口昌口遊記二年二

月三十日

右題名二首前段正書四行後段分上下二節上節僅
存禮同恭拜四字下節姓名泐者四字亦正書皆舊有
磨崖而掩刻之

趙令住靈巖寺題名 正書 在靈巖 千佛殿碑陰

靖康二年正月

崇法院印照

正書 在真福院 牒碑下層今佚

偽齊阜昌二年

縣戶案據崇法院主僧海巖狀於去年二月內有羣賊李僅等入縣浩蕩了本院坊郭岳岳保兩戶方田文賬并宣降敕牒出公據尋行勘會并召保去後名到保劉皓公弼并取到隣人等姜寶張琪翟慶狀供本院浩蕩了本院坊田文賬等文字下項須至指揮一坊郭地三段 第一段東至姜三郎李子園西至岳廟南至街北至張中舍 第二段西斛斛市近北街東面東北至卞二郎北至卞二郎南至宮口西至街 第三段東至酒務界牆南至街西至漆河北至大街 一岱岳保 第一段東至沙河東北角

至韓五郎西南南至成家 第二段東至張八郎西至張七郎南至道北至麻家 第三段西至古道南至翟官人北至王官人東自至 第四段寨城東萊園一座約二畝半大并路南拐子地約一畝大東至翟家南至道西至成家北至南宮地 一宣降敕牒 一後唐長興四年九月二十三日有趙樞密使檢校太傅平章事駙馬都尉及范樞密使檢校太傅平章事等押付到特賜田產物業敕牒一道 一祖師實相大師住持敕宣牒一道 一童行看掌御書閣敕牒一道 右給公據付崇法禪院收執照會准此 阜昌二年二月初一日給文林郎簽書判官廳公事兼縣事劉 缺 修職郎主簿專一管勾勸農事高 三

承信郎縣尉專一管勾勸農事張万 院主僧海巖 住
持賜紫僧寶口 蓮繼撥賜受業僧海環 僧紹臻 僧

惠寬

右刻凡三十一行正書徑五六七分不等內左讀者二
十六行長短不齊用印者三處印徑一寸五分文曰奉
符縣印

功德頂佛座題名

正書 廬山李憲一首 蘇永叔一首 穎水李頌
齊慕伸等一首

無年月

靈巖朗公傳磨崖

釋如曉行書 在山頂可公床

不知何年

戊子歲秋七月念七日

釋如曉謹書

右磨崖縱四尺橫寬一丈五尺文四十一行行九字至十
二字不等行書徑三寸許前書東晉朗公傳本梁慧皎
撰文不具錄末年月題名一行但稱戊子歲
不係年號書人如曉係宋僧因錄附宋末

東岳廟御祝文

高冢宰
篆書

右刻見明孫克
去碑刻目今佚

孫明復墓碑

歐陽
修書

右刻見明孫克
宏碑帖目今佚

靈巖寺詩刻

田稷
合宗

滕涉 祖無擇 孔舜 張
鮮于侁 寬亭卞 杜欽况

右靈巖石刻大小不一無年
月見金石文字記今並佚
結埼亭題跋云鮮于公論新法最為平允而黨人尙極
恨之端禮門前之石借其子綽並豫焉近見其畱題靈
巖七言石刻一紙詩筆之工不必言
書亦清健可愛其上石在元豐三年

金寺碑

宋御書 歐陽修
跋 在郡城南

右刻見明孫克宏碑刻目今佚
以上俱無年月可繫並附於末

金

張憫修三磴崖記 正書 在三磴崖西壁今佚

天眷元年八月

靈巖寺妙空禪師塔銘 篆額 正書 在靈巖寺

皇統二年

右碑僅存半截凡文二十七行行存十九字正書徑八分額題妙空禪師塔銘六字皆蝌蚪文徑五寸分三行文內一行云皇統元年六月二十八日管勾濟南府十方靈巖末行又有皇統二此下並闕遂定此碑立於皇統二年妙空事蹟不見其全文之可攷者師諱淨如俗姓陳氏福州侯官縣人其住靈巖未詳何年但云諭之以理乃盡歸所口田案明昌六年周馳撰靈巖寺田園記云寺之田園實亡宋景德間所賜也逮天聖初稍為人侵冒主寺者不克申理其後紹聖間掌事者稍怠左右遂伺隙而取之時長老妙空者雖訟於有司其地未之能歸也据此則碑所云諭之以理乃盡歸田者非實錄矣又妙空自號方山老拙嘗有宣和五年自書真讚

又有別知事禪衆詩皇統三年合刻碑在寺中別衆詩云七年林下冷相依則住靈巖七年也證以田園記其住持在宋紹聖間至是越五十年矣

靈巖寺定光禪師塔銘 篆額 正書 李魯撰 高鯉書 在靈巖寺

皇統二年十月

濟南府十方靈巖禪寺第九代定光禪師塔銘 濮陽李

魯撰 濟南高鯉書 儒林郎行臺大理寺丞韓淦篆額

皇統壬戌中秋定兄侍者走書於魯曰先師頃自普照來

往靈巖道場鋤墾荒蕪爰立規矩不幸席未暖遽示寂滅

智月忝出門下荷潤特深報效茂聞彌增惕懼遂躬率諸

門人營建梵口口功告成銘誌未備共念先師疇昔交契

之厚誰如公者今輒以昌黎韓洵通仕所叙行狀請銘於

公能無意乎魯始錯愕顧陋學無以表其高風旣而曰樂
道人之善聖人之訓也尙何讓□□道詢俗姓周揚州天
長義城人也世爲鄉里大姓產業雄一方歲入不貲幼孤
事祖母以孝聞及長性豪邁姿貌魁偉喜施與好鷹犬馳
騁田獵割鮮染輪不忘旦旦鄉人畏愛以任俠處□□無
何臂鷹牽黃過故人家見讀方冊師挺前奪取欲視故人
曰是豈公所能知師氣懾徐更讀之乃智望禪師十二時
誦也閱未竟面熱汗下嘆曰報應若此可奈何故人曰審
如是早自□□師茫然謝歸放黠鷹犬游獵之具杜門飯
脫粟布衣芒屨體膚餓悴而祝髮之念萌芽胸府矣家人
以爲狂初加訶禁師志益堅竟禮本縣興教寺常住院首
座僧德安爲師納戒於本州□□實政和改元之歲也師
在衆持頭隨行精嚴齋戒平治心地其師名謂之曰懷與
安實敗名汝器識遠大未可量也盍游方以廣學問師卽
詣本州建隆寺依住持因禪師爲侍者未幾參□□室頗
領元妙建隆語師曰汝將騰越萬里詎可於此久淹當務
遍參以卒遠業師稟命至龜山見慈禪師坐禪次聞靜板
有省以頌投龜山深蒙印可遂入舒州見甘露卓禪師卓
識師根□□常謂曰法華言禪師爲一時郢匠盍往謁焉
師忻然領命及一見師資道契駐錫四稔舉作座元因爲
師小參舉二祖覓心了不可得馬祖卽心是佛機緣於是
徹證傳心之旨太湖眞乘□□人諸禪舉師名德郡委縣

令齋牒勸請師謝曰吾始捨緣私自爲盟不願住持矧茲
末法祖道榛棘宜得吾門龍象提宗印以振衰墜庶幾有
益詎可妄欲以此事付田家子是猶資越□□□甫計亦
左矣因固辭令請益堅師計窮碎牒投諸地令駭曰斯罪
也奈法何衆以師厲志純一本無慢心禱令得不白州聽
舉自代者因得遁去師以名迹爲衆指目乃歸義城距祖
第數□□得佳泉石處曰冶山構精舍號定光菴將終老
焉鄉里子弟執侍瓶錫願度爲弟子者五十餘人建炎二
年大軍渡淮尋陷天長師處倉卒無撓色太尉薛公異之
入白統軍迎置軍中□□□養且下令曰尔等當善護持
勿致失所洎旋軍至沂聽師自便名士劉郊子機雅聞其
名虛懷接納一叩眞機定交方外尋於泗水靈光山卜築
自晦阜昌六年濟南普照虛席府帥劉□□□嗣事者衆
以師應選乃給帖馳疏敦請師確守前誓專使荐來勢不
獲已以五月十三日到寺首請惟素禪師爲座元希蹤□
丈一切以清規從事晨參夕請鐘鼓一新其於誨導尤示
慈□□子仰之爲指南旣暇卽徐視殿宇圯毀者改建完
葺侈不逾舊儉而中禮道力所攝人自樂施皇統元年住
靈巖妙空淨如禪師示寂府帥都運劉公謂一時尊宿德
行純備無如師者爲□□府屬寄居士夫僧正綱維詣寺
勸請師謂靈巖巨刹未易遽治府帥曰師負重名當暫屈
一往不勞指顧衆自悅服師猶形謙讓府帥懇請久乃應

命以九月五日開堂演法漸欲樹立□□□於府曰常住
撥賜田土親力播殖所得僅足飽耕夫又供僧歲費無慮
三千萬丐依舊例原免科役庶獲飯僧福田上報國恩實
遠久之大利益也府可其請師乃推擇十方勤舊□□事
喻之曰世間萬事欲一一如法卽無有是處至於處叢林
掌常住錢穀要當先自潔已錙銖不欺非惟目下明白抑
亦過後得力衆化其德無不盡心師元學淵深勤於接物
初機請□□□忘倦於是四方翕然謂獲宗匠學者嚮慕
道風踵至籌室自兵火以來未之有也明年春師至府求
退且曰昔黃龍心禪師云馬祖百丈已前無住持事道人
相求於空閑寂寞之濱其□□□住持皆王臣尊禮爲人
天師今則不然挂名官府遂同編氓是豈久寓之地耶援
引至理詞義切當府帥喻之曰非意相干可以理遣師當
還坐道場勿恤也時又迫近結制師乃強畱□□□曰汝
等勉之吾將逝矣因日爲衆普說入室勤劬不替者彌月
衆亦莫測俄有野蜂集於寢堂鴉鵲百數悲鳴下上識者
異焉夏六月二十三日粥罷顧謂侍者收鉢置方丈卽令
搥鼓□□□座垂語詞旨哀切特異常日旣下座示有疾
衆咸怖懾而師神色恬然屢欲趺坐衆悲泣救藥不克如
志有問疾來者但目視之豈非葉落歸根來時無□獨提
全提之旨者乎第後學□□□之領也二十四日右脇而
化時暑氣炎猛居六日如始逝二十九日以遺命茶毗得

五色舍利百餘粒翌日瘞靈骨於當山後興塔之右卽其上示宰堵焉闕世五十七坐夏三十二門口口口有餘人傳道於四方以名著者十餘人有示衆廣語游方勘辯頌古偈贊流通於世師先在淮甸嘗膺樞服之賜及師名禪定泊北來絕口不言唯號定光菴主自臨濟義元禪師凡十口口口出黃龍慧南南出照覺常總總出廣鑒行瑛瑛出舒州法華證道禪寺住持永言言卽師嗣法師也師常歎今時傳法紹嗣者往往開堂有橫費及居普照因上堂便爲法華和尚拈香口口口飯堂衆酬法乳而已性不積財住靈巖纔十月所得書付常住爲供僧用特喜賓客一時名卿巨公慕其道行莫不願爲友至千里走介問安否師待人以誠不視貴賤高下其心恤口口口動推惻隱數於道路解衣以遺寒者噤凍而歸又好儲諸良藥拯救患難見有疾苦如出諸已於是感恩懷惠與其參學問法者相半所至交口稱譽出於自然聞者歡喜願居門下奔口口唯恐其後可謂道重一時名高四遠者矣趣寂之日遠邇莫不哀歎師故人孫力智彥周聞師示滅亟走諸山宿中道夢師若平生來告曰山僧兩來靈巖矣卽指其藏骨所在驚寤見口口口光粲然移時方滅旣抵寺僧或告寺有故延珣禪師塔其銘文有意捨浮華情耽定慧之語良符彥周之夢是知師應跡世間豈偶然哉銘曰
飢鷹摩空得肉乃飽韓盧待喉志厲霜草追飛逐走聊以

自娛陷心潰腦衣袖為朱定光老人少年如此勇猛悔悟
是真佛子一餅一鉢誓堅志願石頭路滑請益無倦傳心
得妙為衆□□□跡空谷人不我遺兩坐道場接物利生
事有固然逃名得名衆仰其德罔不自厲壓以至誠不嚴
而治優游請退從吾所好使君眷厚竟莫之報死死常事
戲劇有情於我何有擺手便□□□萬勿靈塔百尺山低
塔高不候他日淄州崇勝禪院住持嗣法小師慶悟 徂
徠崇慶禪寺住持嗣法小師惟□

皇統二年歲次壬戌十月庚申朔初十日己巳起復昭武
大將軍陝西諸路轉運使劉益立石 歷山任升刊

右碑連額高六尺二寸廣三尺四寸篆額定公塔銘四字
字徑五寸橫列於上銘文三十四行行七十三字正書

徑七分下截近跌處每行缺一二三字撰文者李魯書丹
者高鯉二人皆不甚著名而文體詳贍書筆遒勁寺碑
銘中不多得也

山左金石志云篆額者儒林郎行臺大理寺丞韓淦案
行臺之制以別於中臺天眷三年移置汴京皇統二年
定行臺官品皆下中臺然則此題大理寺丞降於正六
品故書階儒林郎僅依從七品之下此皇統新制也昌
黎韓洵通仕叙行狀洵似與韓淦同弟兄行則韓淦亦
昌黎人也立石者起復昭武大將軍陝西諸路轉運使
劉益攷百官志轉運陝西有東西路其分路之始證以
地里志天德二年京兆府置陝西東路轉運司平涼府
置陝西西路轉運司此當皇統二年陝西
轉運猶未分東西也故言諸路以舉之

妙空長老詩讚二首 行書 在靈巖千佛殿

皇統三年

拙頌奉別知事頭首兼雲堂諸禪衆 住山淨如拜呈
七年林下冷相依自愧鋤刀利用微聚散莫云千里遠輪

天一月共同暉

慈書記寫予真求讚漫書此以塞來意

眉不修疎頭突兀鼻磬垂兮顛無骨長憐百醜兼且詢慈

禪慈禪不我拙名兮邈兮水裏月咄

宣和五年八月初三方山老拙書

妙空老師嗣法薦福英和而出於大宗師門不兩坐道場

僅四十載凡示徒貴機用唯棒喝可語言知客道德獲此

二頌囊之久矣師今示窀命工摹石益傳不朽皇統三年

中秋日監寺僧義由謹記

右碑高二尺廣一尺八寸詩讚共十一行行十三字行
書徑一寸跋三行行書徑五六分案妙空長老名淨如
號方山老拙方山者即靈巖寺山也其住靈巖未詳何
年而自題真讚則在宣和五年至是摹勒上石距書讚

越二十一年矣跋云師今示寂蓋妙空
寂於皇統元年後二年乃刻是讚也

靈巖寺傅大士梵相十勸碑 正書 在般舟殿

皇統六年八月

右碑高二尺一寸廣一尺三寸分上下二層上層畫傅
大士像下層刻十勸詞首標題一行云婺州雙林傅大
士十勸并梵像此後即十勸詞不具錄末云皇統歲次
丙寅八月中秋日濟南府十方靈巖禪寺住持嗣祖沙
門法雲募工刻石山門書記僧義由書洛陽雍簡畫魯
人胡寧鐫凡十四行行二十四字正書兼行體徑五分
案碑畫傅大士披袈裟跌坐胡床首有冠簪疑是居士
相不盡是梵相也左置高几爐香煙裊右侍一行童背
似負葫蘆兩手執物如簡策其畫如此傅大士名翁梁
時人居金華義烏縣之雲橫山金華即婺州也十勸詞
是其所作法雲住持靈巖乃
繪其像書其詞以勸寺眾

靈巖寺任瀛詩刻 行書 在松風閣

皇統七年三月

濟南府推任公詩

詩呈堂頭雲禪師 瀛口上

放開塵眼頓超凡便覺棲真悟泐潭碧障排空千仞矗清
泉漱頰十分甘五花殿裏師因果百法堂中問指南若道
為官太拘束三年三得到精藍

皇統丁卯三月二十八日監寺比丘子方上石 宛人胡

寧刊

右刻詩十行行書年月二行正書前題瀛下闕一字驗
碑亦似瀛字疑刻工有誤筆因磨去而重刻瀛字於上
也其官為濟南府推稽之濟南
府志秩官竟不列任瀛姓名

靈巖寺觀音聖跡象並序 正書 在 觀音堂

皇統七年七月

濟南府靈巖寺祖師觀音菩薩託相聖跡序

雲公禪師住持靈巖寺未越三歲宗風大振嚮風而遠近
歸之一日謂濟濱老人陳壽愷曰夫靈巖大刹昔自祖師
觀音菩薩託相梵僧曰法定禪師于後魏正光元年始建
道場興梵宮居天下四絕境中稱最而世鮮知其由我祖
師其始西來欲興道場於茲也前有二虎負經青蛇引路
捫蘿策杖窮絕壁而不可登乃徘徊於南山之顛面石之
久感日射巔峯成穴透紅光於數里師乃躅光而下美其
山林秀蔚可居千眾道遇村人亦異人也顧師而言曰師
豈有意于茲患其無水耶回指東向不數里間可得之矣
師既徐行則有黃猴顧步白兔前躍俄驚雙雀飛鳴其下

涓涓果得二泉又擊山泐隨錫杖飛瀑迸涌遂興寺宇逮今八百餘載凡祈求應感而福生民莫可勝紀然為我祖師發揚顯聖跡之狀蔑聞其人良可太息乃命工敬圖其像而刊諸石庶廣其傳普勸遐邇永同供養皇統七年孟秋旦日濟濱老人陳壽愷序并書

住持傳法沙門法雲募工立石 洛陽雍簡畫 魯人胡

寧鐫

右字二十七行行十四字正書字徑四分上有法定像右手持錫左右各一虎背有騎上有雙鶴飛鳴前有一蛇樵翁對立有番錫在地一猿捧果回顧在觀音堂僧舍西壁東向

靈巖寺雲公禪師像刻 見金石文字記

皇統七年

靈巖寺面壁象記 正書 般舟殿

皇統七年十二月

禪之初祖圓覺老師始自天竺來居嵩高少林道場蓋面壁者九年大祖禪師斷臂立雪世舉知之而昧其處自少林行殿而西林篁蔭鬱千步而近度密越阻羣山四臨前則少室諸峰崿嶸連屬後則五乳翠兀擁掩如舉手內向中峯之下乃其故處有泉冷然始至無水以杖劔刺地隨舉而涌引而東出世因號以錫杖而叢榛族棘荒穢翳塞鬼蹊雉域蛇廳所舍樵牧避焉元祐二年畱守簡翼張公求而得之始往過焉使作亭以識其處除地得趾層甃宛然後十有餘年知登封縣樓君昇復往過之謂長老清江

襄棘開道使有人聲馬跡再至則治矣蓋復其故對曰下
南山之木出西谷之竹伐薪以陶率少而役可立具其所
乏者財爾異請任之于時衆治泰陵休于次異敬以請自
監司與百局之執事及羣縣之令丞佐尉下逮工賈庶役
不挽而同于是智者謀仁者施壯効其力工獻其伎爲堂
爲室圖像陳焉守衛有次門廡有列蓋一朝而具既月以
成而林出芝十有二本華各異色莖如漆飾甘露雨於泉
池夜有光氣四起屬天合爲大練東西數十里嗚呼其興
可量也耶夫道一而今之教者三三家之役相與詆訾蓋
世異則教異教異則說異盡已之道則人之道可盡究其
說則他說亦究其相訾也固宜三一聖之道非異其傳與不

傳也耶子孔氏之門顏閔冉皆無傳仲弓之後則有荀卿
曾輿之後則有孟車端木貢之後則有莊休而荀孟莊之
後無傳焉李氏之傳關尹尹之傳復無聞焉釋自能仁二
十八世而爲初祖初祖之東六世而爲曹溪曹溪至于今
又十有五世矣而儒老子之徒欲與校其源委誤矣嗚呼
道之傳蓋始于此歷歲千百逮今而興豈有待於異耶建
中靖國元年九月十八日居士陳師道撰 大金皇統七
年歲次丁卯十二月晦日濟南府十方靈巖禪寺住持傳
法沙門法雲募工重立石 山門維那僧宗安書 充人
胡寧刊

石字二十四行行二十八字正書字徑五分上有遠
摩面壁像一頭陀合掌其後在般舟殿內南壁北向

靈巖寺康淵詩刻 正書 在靈巖寺

皇統八年五月

贈靈巖西堂堅公禪師 武安康淵

紫迴綠水遶春山蝶舞鶯啼白晝閑誰似西堂知解脫不
教憂色到朱顏

伏觀甲兄都運觀察贈西堂禪師佳什言超物外奇逸清
高如閑淡煙雲縈巖映岫自生光彩耳謹命工刊諸琬
用久其傳皇統戊辰五月初十日住持法雲立石

右刻詩七行行八字徑一
寸跋四行徑五分並正書
山左金石志云康淵詩殊有清致中州集未之收也其
里居武安是冀州之稱法雲跋云伏觀甲兄都運觀察
則淵固嘗為轉運使證之寶公塔銘亦稱運公淵其歷
官可見者如此甲兄未審何義當以甲乙為行次之稱

耳

靈巖寺雲禪師塔銘 正書 在靈巖寺

皇統九年五月

濟南府靈巖山省差住持傳法第十代雲禪師塔銘 雲

巢比邱正觀撰文 無聞比邱口口書丹 括蒼比邱義

詔篆額

師諱法雲字巨濟世居泉州同安縣西林林氏之子氏族
甲于泉南其祖諱益宋元豐間天子知其人以諫議大夫
除任闕下率相繼惟師自襁褓中間鐘磬聲則合掌抵額或
問以善言則應對無滯皆與經語暗合至口六歲屢請于
父母欲出家闕下釋氏教受業于當縣化度禪院禮尊宿德

新以為師不喜羣居卜庵于院之側榜其庵曰寂照晏坐

自如修習禪定德馨闕下神駒尔左提右挈朝夕警誨千里

之行始于此也後至大倫山梵天禪寺致禪師會下孜口

見而奇之遂許入室叩請甚闕下者甚眾不知師出何語惟

聞致大笑厲聲曰子到不疑之地正要保任師掩耳而出

自茲囊錫穎露雲水之士皆願從之闕下嗣大相國寺智海

禪院清禪師清嗣雲居祐禪師祐嗣黃龍口禪師師每與

同參論道相約曰雖然佛法只者是然名山闕下不訪遂率

諸道友遍歷祖席航海而至密州密人扶老攜幼相迎于

途者無慮數千人日加尊敬擇幽隱以處之時兗州闕下公

聞師之名嚮師之道請居普照六年大闢禪關俾一方之

眾知有此道者師之化也後靈巖虛席朝廷遴選其人主

之而謝鑾公移守濟南公採摭輿論以師名申省三請而

後從紹口口口口邇悅慕當途公闕下轉運使康公尤為知

遇凡事之有益于常住者興之事之有損于常住者革之

居四年而殿宇口口口然以新忽語其徒闕下可以久居意

欲脫然高引而有事于遠游也眾雖疑之而不知其所以

然爾前八月十六日師密遣人詣府陳狀求闕下之遂止越

十有四日告疾眾召醫治之師曰因緣至此醫者奚用為

在疾五日書頌以別眾曰秋八月兮船回波頭日卓闕下有

何無倒騎鐵馬兮何賓何主撒手清風滿四維凝眸皓月

超千古頌畢焚香端坐不言不口不餌至閏八月初八日

脚下有志于退休未幾而示寂豈不自知當然者耶議者

惜其未盡所蘊而天厄其壽悲夫立塔于寺之西北隅祖

塔之側壽下子十 有一人皆質直守道無聞于時師有

同參僧祖習自師出世輔之翼之使師之道行于世者習

與有力焉習執師行下蒙師之獎激感習之高義而不敢

辭乃為之銘曰

授法溫陵播道東齊維茲爰始引導羣迷宗門聖箭釋氏

神駒一音演唱下禪侶福輳是則是儀解粘去縛為世大

醫嗟乎蘊奧未盡施為臨行一句下脚跌口滅拂神西歸

方山之側宰堵巍巍仰懷其德祇敬其師式示來者下

皇統己巳五月初一日宣武將軍知山東東路轉運使上

輕車都尉京兆縣開國伯食品七百戶下

右碑闕下截數字額題寂照禪師塔銘六字篆書徑五寸分三行文二十四行行存四十六字正書徑八分案

此碑撰書篆額皆出比邱之手而結構俱佳末行結銜

不可知案文中稱轉運使康公尤為知遇云云則所闕者宜為康淵也

靈巖寺寶公開堂疏正書 在千佛殿東壁南向

皇統九年八月

徵事郎濟南府錄事夏綽書山門監寺僧宗安立石李彥

刊字

濟南府今請靈巖禪寺寶公長老開堂演法為國焚修祝

延聖壽者

竊以丈室駐錫便知祖道之興諸天雨花喜遇禪林之伯

判殺訛之公案舉最上之因緣不有能仁難安勝境伏惟
寶公堂頭和尚早具鍛金之爐韜妙傳出世之津梁枯木
寒灰宴坐於千峯影裏騰蛟起鳳進步于百尺竿頭茲緣
緇素之依歸有請省廷而允可唱少林之曲調踞靈巖之
道場信堂堂龍象之姿赴肅肅人天之會白雲堆裏不妨
依舊徑行碧眼胡邊無惜斬新拈出永洪睿筭廣震潮音
謹疏 皇統九年八月日疏 承事郎濟南府推官權判
官李德恭 府判官闕 宣威將軍濟南府少尹完顏沒
良虎 安遠大將軍同知濟南尹事南陽縣開國伯食邑
七百戶韓爲股 特進行濟南府尹上柱國鞏國公完顏
篤化叔

右碑連額高五尺二寸廣二尺八寸額題開堂疏三字
正書徑五寸橫列于上文共十八行行二十八字下書
大定十四年寶公禪師塔銘下載損闕不能考寶公之
上一字爲何也碑稱師姓武氏相州人靈巖虛席
府尹韓公爲股運使康公淵係中行省云云即此疏所
云有請省廷而允可也疏後列銜五人內判官闕人推
官權判官李德恭少尹完顏沒良虎同知尹事韓爲股
行府尹完顏篤化叔而運使康淵不與焉稽之濟南府
志諸人皆不列於秩官此等金石文字修志者皆不一
搜承何也

靈巖寺雙林坐像記 正書 在般舟殿

皇統口年

靈巖寺山場界至圖 正書 在般舟殿

天德三年十一月

右碑縱二尺橫二尺八寸上橫題靈巖山場界至之圖
八字正書中繪山川屋宇下橫題云昨岳廟安爭山場

金石

蒙尚書戶部准法斷還本寺今將紀界古碑并阜昌公
據四至照驗畫圖刻石庶使後人若觀諸掌然山門皆
十方僧兼住持長老去留不定其界至稍遠少有到者
一凡差直當一巡之以為常例不可忽焉天德三年冬
至日十方靈巖禪寺傳法住持圓
悟佛日大師裕顯書皆小字正書
重修釋迦院三世佛殿碑 篆額正書 許申撰 成允
元書 在城西南孫伯村

貞元三年三月

靈巖寺張汝為題記 行書 在
般舟殿

正隆元年五月

余素好林泉之清勝久聞靈巖名山迺自昔祖師之道場
也所憐塵緣袞袞未獲游覽比雖守官汝上鄰封咫尺亦
無由一到茲因被檄賞勞徐宿邳州屯守軍兵還登岱宗
故不憚迢遠行役之勞惠然而來周覽上方勝槩峯巒巖峭

拔殿閣壯古森天喬木是處流泉憩於秀崑絕景之亭清
風時至了不知暑惟聞啼鳥之聲幽邃清奇迴口器凡信
四絕之一也頓息塵慮以適平昔景仰之意口口忘歸憶
唐李涉詩有云因過竹院逢僧話又得浮生半日閑正此
之謂也時攜家偕遊正隆丙子歲仲夏初七日同知東平
總尹遼陽張汝為仲宣題 十方靈巖禪寺監寺沙門法
告立石 東平張誠刊

右刻記十八行行十二字行書徑一
寸末立石刊石二行正書徑五分
山左金石志云題記者為同知東平總尹遼陽張汝為
武虛谷云金史張浩傳子汝為即其人也浩籍遼陽勸
海故汝為單稱遼陽舉其郡名也然史未著其官中州
集僅稱為河北東路轉運使未知其先固已為東平總
尹矣地里志東平府以府尹兼總管今
結銜稱總尹者殆併二官為一名也

靈巖寺釋迦宗派圖

正書 在般舟殿

正隆元年八月

右碑高三尺六寸廣一尺八寸五分額題釋迦宗派圖
 五字八分書橫列於上次總叙宗派列說於上層次列
 宗派世系始自眾集置大轉輪王一傳為大須彌小轉
 輪王再傳為真生粟散王三傳為茅草王四傳為甘蔗
 王五傳為別成王六傳為拘盧王七傳為瞿拘盧八傳
 為師子額王九傳為淨飯王十傳為悉達多十一傳為
 釋迦牟尼世系止於是下層正中畫牟尼佛象正立兩
 足下各承蓮花佛左手下垂右手拊胸胸有卍字兩肩
 佛光上覆火焰繞光而上刻畫皆完好右邊一行云西
 京嵩嶽少室山少林禪寺洒掃比丘惠初宣和二年九
 月晦編集左邊一行云正隆元年八月旦日濟南府長
 清縣十方靈巖禪寺住持傳法沙門法琛立石蓋此宗
 派圖為宋宣和年少林惠初據本行經
 所編集而靈巖法琛刻以傳世者也

靈巖寺劉德亨等題名

行書 在蔡安持詩刻後

正隆二年三月

四禪寺牒

行書 在徂來西趾四禪寺內今佚

大定二年二月

尚書禮部牒

尚書禮部牒

泰安軍奉符縣天封寺僧

法潤東平府普照寺受業僧普汝太平鎮慶成院受業僧

義政狀告見住本□□□□□□□□四禪菴本庵房屋係

五十間已上自來別無各額依奉上畔已經奉軍軍資庫

納訖合有錢數乞立寺額須至給賜者 牒奉 敕可特

賜法雲禪寺牒至准 敕故牒 大定二年二月口日令

史向昇 主事安 中憲大夫行員外郎李 宣威將軍

郎中耶律 侍郎 正奉大夫禮部尚書兼翰林學士承

旨知制誥修國史王

右碑高二尺七寸廣二尺四寸作二層刻下層刻四禪寺記上刻敕牒有禮部銜二列一真書字徑二寸一行書略小敕牒三列行書字徑二寸惟奉敕字獨大泰安軍一段及年月下姓各皆正書字徑五分其用印處有三印徑二寸許篆文曰尚書禮部之印後三銜字徑一寸五分末銜字闊二寸四分甚扁下間有押在徂來山西陟寺內今佚

法雲寺牒

行書 在徂來西陟寺內大殿前

大定二年十二月

尚書禮部牒

尚書禮部牒

泰安軍奉符縣天封寺僧

法潤東平府普照寺受業僧普汝大平鎮慶成院受業僧

義政狀告見住本軍奉符縣羊欄村四禪庵本庵房屋係

伍拾間已上自來口口名額依奉上畔已經本軍軍資庫

納訖合有錢數乞立寺額須至給賜者 牒奉敕可特賜

法雲禪寺牒至准敕故牒 大定二年拾貳月 日令史

向昇 主事安 中憲大夫行員外郎李 宣威將軍郎

中耶律 侍郎 正奉大夫禮部尚書兼翰林學士承旨

知制誥修國史王

右碑高四尺四寸廣二尺五寸作二層下層刻重修寺記上層刻敕牒尚書銜二一正書字徑一寸八分一行書字徑一寸五分泰安軍一段與年月並正書字徑四分敕牒行書字徑一寸四分官銜四列正書字徑一寸五分在徂來西南陟寺大殿前案此碑文與前同惟一作二月一作十二月且文內缺字較少因並錄之

妙覺院牒

在城西南下張村

大定三年二月

大覺寺牒

在城東古城村

大定三年三月

普照寺牒 在山寺壁

大定五年正月

右碑高二尺廣三尺四寸書法殊佳
在嶽西南麓普照寺大殿壁右南向

大雲寺華藏世界海圖并碑陰敕牒 正書 沙門法圓撰

雲寺殿東墀

大定五年九月

右碑陽刻圖并序碑陰刻敕牒連額高六尺廣二尺四寸圖額橫題依大華嚴經錄華藏世介海圖象書介即界字中繪小佛象列二十層上平下銳銳處佛象一至平頂列象二十漸減而下至底以大蓮座承之左右各有題字碑陰額題大雲禪寺敕黃碑記篆書八字橫列於上下是敕牒公據再下為當寺諸僧各文繁不具錄碑在泰安縣大雲寺案泰安縣志大雲寺有三此在姚莊者其一也舊名古雲臺寺金重建有大定四年敕牒即此碑也但志載此碑祇云敕牒而不及碑陽之華藏世界海圖則志之略也此圖刻鏤極工不獨為山左諸

碑所僅有即問諸釋氏亦多為聞見所未及者蓋宗法圓序記本作於宋元祐八年而大定五年寺僧慧宗模刻蓋給賜敕牒在大定四年而立石在明年也此圖在元祐時為駙馬都尉李璋刻於東京覺嚴禪院李璋者宋章懿皇太后弟李用和之子尚充國公也此碑大約從覺嚴禪院樹本重摹然覺嚴石刻亦不見於金石著錄則以釋氏之言每為人所略也空名敕牒從禮部頒發各路轉運司填名發賣有官管勾謂之發賣所每買一牒給錢三百貫文省他寺較牒公據皆未詳其制獨此碑可見金時寺額給牒之法金時以軍興需費賣額牒文公據皆稱益都府定慧禪院者益都府官賣名額故也下鐫度僧名數第一代海定度僧二十一名第二冠代慧宗度僧十四名案金史百官志凡設僧尼道女冠三年一次限度八十八人試之經卷皆以誦成句依音釋中逸者試官給據以名報有司其額限如此此碑為刻給據故并度僧名列之也

石震題獨秀峯記 正書 在祖來山獨秀峯旁

大定十年

四禪寺記 正書 在四禪寺敕牒下層佚金石

大定十二年

徂徠山之西路有寺基相傳曰古四禪寺數代老宿結庵
 居之僅就緒矣大定二年冬有住持法潤等經官納錢
 賜額法雲缺五檀越乃命福燈缺五竊見形勢峻側山水
 衝注難以修葺缺十故址瓦礫猶在因欲興建遂具狀告
 官許令移徙今所建之地缺七恐後缺三不知其由僅將
 寺 敕勒諸貞石為遠久之傳云時大定歲次壬辰庚戌
 月甲午日紀 南王村維那首韓口耿法林蔣法瑩韓友
 韓適蔣竹揚宥皇明常 西朱村維那首張明寬高法元
 學政王琮張清任成 仙 東萊馬口書 勸緣住持沙
 門福燈立石 西王 木匠王眞 石匠王永模刊

右刻在城東南四十餘里四禪寺敕牒碑之
 下層正書字三十行行十一字徑五分今佚

靈巖寺寶公禪師塔銘

篆額 正書
 在靈巖寺

大定十四年七月

右碑半截額題寶公禪師塔銘六字篆書徑四寸橫列
 於上文二十六行行存三十八字正書徑八分此碑下
 截為土所沒僅就現存之字讀之文不屬也寶公但知
 其俗姓武氏相州里人其出家後命名寶上一字及某
 甫某號不得見矣大雲寺敕牒云買寺額納錢三百貫
 文省而此碑乃云將已俸三千萬特買大明寺額何以
 若是之懸殊也此碑撰文者相州林慮縣仙巖梅軒
 居士翟炳書丹者忠顯校尉眞定府醋同監閻崧
 山左金石志云金史百官志稅醋使司視課多寡蓋依
 酒課不及二萬貫為院務設都監同監各一員此稱醋
 同監即
 是職也

大覺寺牒

篆額 王慶書
 在城東南古城村

大定十四年十月

重修法雲寺記

正書 在法雲寺牒下層

大定十七年八月

重修法雲禪寺之記

徂徠山南羊欄村有四禪寺廢基石佛斷碑尙存創建於北齊河清二年今有僧福燈者兗州曲阜人也俗姓屈氏爰從妙齡慕善出家爲童行時雲游濟南投開元寺普賢院安居日久禮僧賜紫眞教大師善慧爲門人受業披剃厥後出入起居事師之禮口罔不循一日語福燈曰人能宏道非道宏人佛道至妙苟非我輩孰能闡揚汝其念之當擇有緣之地以回勝事他日福燈飛錫北來故照此所有大因緣與僧法潤等結庵上峪或迎送約束或求化僧儲往來維行斯地觀其四禪古跡未嘗不惻然動懷屢見檀越高年碩德具說修建之意翕然喜從有西朱村華嚴經藏主張明寬南王村韓法圓俱受五戒自後酒肉葷腥特不需脣二公同志悅清淨慕山林凡百正已惠貧放物仁義兼行爲里人所重舉事推誠住持僧福燈堅請明寬等爲口首雖義不獲已退省卑狎不惟不敢自擅亦嘆獨力不暇給也遂專見衆村耆艾說其修建緣事靡不允合卽約同陪入山臨四禪古基之次口惶周覽少頃燈公謂諸公曰此廢敗之地不可荐修寺宇當別卜善地而興坳之會曰然于是去古基北數百步間選地數畝形勢爽塏宜建佛宮之地當年二月差收穀且闢荒榛起磐石修

北人皆不憚服勤之勞新口既成遂乃鳩工集役遴選材
木呂經呂營富者輸財貧者効力修成法堂方丈僧房各
五楹八椽寢堂三楹八椽棟宇雄壯簷殿高揭窗牖疏明
經始於大定辛卯仲春慶成於丙申孟秋其芭瓦材木塔
砌石局工師日食之費約用錢伍千餘貫蒙檀越厚助俾
衣鉢有資既而堂宇功畢燈公與衆紉首其口幸遇昭代
聖口復起口大定之初天下鴻寧釋教大興口口口住菴
僧潤公等與善知識數口口大發口意哀集錢叁百貫依
奉上畔經本軍軍資庫口訖錢數乞示寺額伏蒙朝廷特
賜法雲禪寺噫寺之名額尚矣堂殿佛像廊廡次焉若刻
刻於石永懷廢毀之憂命莘夫以紀歲月垂諸不朽梵剎
之側諸山環拱屹然而起者東曰他山西曰穀積山也蔚
然而秀者南曰獨山也潺潺乎瀉于兩峯之間者方丈之
後溪也三門之前冷然清濬注焉而不盈酌焉而不竭者
白蓮泉也其餘林木谿壑尤美不可勝言異日老宿大德
若聞而知之接袂連馭自他方而來棲遲於此間也愚雖
顛蒙竊聞法雲禪寺檀越四遠鄉村繁阜風俗協和禮義
和睦純質而厚簡約而廉貧居豪室慕善之心口皆有之
每當春冬農隙之時或於精藍或就私第舉蓮社廣齋供
延僧流讚誦梵音講究貝書瞻禮聖像口興口口口口
勤是知佛教不可思議住持僧福燈自天德二年貞元元
年兩次經本軍陳口口乞存畱餘口公據二本帶請到遠

三山欄地土□□□□南至穀積山□□□□西
至□山高家峒□□□□□□□□內據稱除
出石柵關道礮砲□焦砂嶺外合輸□□至大定八年
又經本縣告狀出給公據令福燈毀圻翻移□□□屋
宇材木磚瓦一□修建施行是為可書自度膚淺故不敢
述文姑摭其實以誌之大定丙申仲秋晦日故濟州司錄
孫張莘夫謹記 田茂刊 勸緣住持福燈立石

石刻在法雲寺救牒碑之下層字二
十八行行四十五字正書徑五分

靈巖寺方丈惠才詩刻 行書 在靈巖殿
舟殿大門內西壁

大定十八年六月

方山野人因樂道自興作山居吟示諸禪者當山監寺首

座焚香禮求上石余不能伏筆 靈巖方丈惠才書

山僧樂道無拘束破衣壞衲臨溪谷或歌或詠任情足僻
愛林泉伴麋鹿水泠泠兮激寒玉風清清兮動疎竹閑身
悅唱無生曲石鼎微烟香馥郁幽居免被繁華逐贏得蕭
條興林麓大道無涯光溢目大用無私鬼神伏知音與我
同相續免落塵寰受榮辱浮生夢覺黃梁熟何得驅驅重
名祿 大定十八年六月旦日當山監寺僧祖童首座僧

宗元立石

右刻詩十二行行書徑寸許末立石一行正書徑七分
案大定十四年寶公禪師塔銘其時建塔者即是當山
住持惠才則才公之住寺至是已數年矣作詩刻石而
首座為之焚香禮求亦足見彼教之敬師如此惠才字
勢學山谷詩格亦
朴勁中州集未採

真相院摹刻東坡施金帖 行書 在長清縣真相寺

大定十八年七月

今正寄銀六兩助成舍利槨也本意並是為先人先妣追薦告煩大師更為於佛前燒香祝願過悚忽之特煩以生日惠賜經數香口為壽感刻人回無以為意青絲口段一段鹿茶芽五斤口口口微鮮至愧至愧賦白

東坡先生施金建塔而遺此數帖塔久未成罹正隆之季兵火而亡其本既定復得之詢之嘗已流落數百里遇好事者識之而卒歸本院古語有謂珠無翼而飛玉無脛而走者以至寶之物不自致於人而人口以致之者也顧此寶之去來雖曰人致而暗中亦應神物護持了知此得山

谷道人云蘇翰林書又字字可珍百餘年後想見其風流餘韻當萬金購藏耳噫嘻歲月愈遠而此愈難得寺僧其秘以十襲而長有之異時或賢達君子勸緣募工畢此勝事者庶幾憑仗奇蹟取信後人而易為力焉大定十八年六月晦日甲山劉賢謹題 大定十八年七月六日立石

真相院住持僧道逸 講經論傳法沙門道僊 講經論傳法沙門祖雲 賈順模刊

右刻縱一尺三寸橫寬三尺二寸蘇帖十行行書徑五分劉跋連僧名共二十三行正書徑七分案長清縣志載真相寺在縣治西有磚塔八盤高與石麟山齊宋元豐八年眉山蘇軾過長清僧法太方為磚塔未成軾取金銀助之仍為撰文并書刻石至今尚在今據此碑乃東坡以銀六兩助建舍利槨其後又以坡公生日寺僧饋物為壽坡乃答以絲段茶芽手書此帖石紀年月劉資跋此帖謂正隆兵火帖亡旋復歸院異時勸緣募工

畢此勝事則當大定十八年立石之時塔猶未成也今
磚塔八盤高與山齊不知何年所建志未詳攷且云東
坡撰文并書殆未
嘗檢視此碑耳

靈巖寺蕭守中題名

大定戊戌

重修東岳廟碑

楊伯仁撰 黃久約正書 党懷
英篆額 在岱廟大殿前東墀

大定二十二年

大金重修東岳廟碑

翰林侍講學士少中大夫知刻誥兼左諫議大夫禮部侍
郎護軍宏農郡開國侯食邑一千戶實食封壹伯戶賜紫
金魚袋臣楊伯仁奉敕撰 中憲大夫充翰林待制同知
制誥上騎都尉江夏縣開國子食邑五百戶賜紫金魚袋

臣黃久約奉敕書

承務郎應奉翰林文字同知制誥兼

充國史院編修官武騎尉賜緋魚袋臣党懷英奉敕篆額

臣聞嗜欲將至有開必先天降時雨山川出雲明神之所
召昭聖德也隋山喬嶽允猶翁河敷天之下哀時之對聖
人之所召昭神功也豈非幽顯之感通報施之明驗歟昔
我始祖景元皇帝肇基王迹遂荒大東迄我太祖仁兵一
舉爰革遼命及我太宗繼伐但口奄定華夏我主上亦絲
東都口纂大統紹開中興皆符帝出乎震之義也迺瞻岱
宗之神乘震秉籙實司東方東方者萬物之始故為羣嶽
之長我國家受命之攸在雖德自天啟亦惟神之陰相哉
口聖在位之十有口年內外晏清禮樂修舉口帝于郊而

百神受職民餼物豐靡有畜害凡嶽鎮海瀆名山大川率
命有司崇飾其廟貌嚴寅其祀事歲□親署祝版遣驛命
守臣侍祠皆首於岱宗大定十八年歲在戊戌春嶽廟災
雖門牆儼若而堂堂蕩然主上聞之震悼不已俾治有司
不戒之辜旣而嘆曰神其或者曰官廟故弊欲作新者乎
迺敕庀工度材以聞明年以同知河北西路轉運使事徐
偉就遷□泰□□領其事彰德軍節度判官王元忠佐
之皆選能也命馳驛以圖來上入受訓誠示之期約且擇
尙方良工偕往營之出內帑錢以貫計者□有□□黃金
呂兩計者二百四十有六及民之願出貲呂助者幾十萬
千且運南都之材以足之復詔其工役勿煩吾民給以傭
直故皆悅而忘勞矣二十一年辛丑冬告成凡殿寢門闈
亭觀廊廡齋庫雖仍舊制加壯麗焉詔謂格神之道所貴
致潔其當陽之像母用漆塑以涿郡白玉石爲之殿楹高
敞勿事□障殿闕□□設爲儲胥俾四方士民遠致奠獻
者皆遂其瞻禱之心而無褻黷之怠廟之西南隅舊設舍
館賓客往來皆止焉郡吏時率倡樂呂娛之因爲缺十洞
啟或終夜謹誦呂神靈靜謐之宅豈可使之汙媿如此
卽其地更置廟庫俾門禁加嚴蓋所以崇肅敬也自三觀
而下十里□于缺七二年四月制詔翰林侍講學士楊伯
仁紀其事臣伯仁承乏禁林職在贊揚聖德豈敢以鄙陋
辭謹書詔旨之始末與其經費之多寡□□拜手稽首而

作頌曰

東方曰仁萬寶資始神惟岱宗爰主張是雞鳴見日其高
巖巖兗州之鎮魯邦所詹觸石生雲合于膚寸□□□朝
天下膏潤無懷而下七十二君咸登茲山告厥成勳於皇
時金肇迹東土誕膺□□實受神祐我后中興出震應辰
禮祀上帝懷柔百神無支咸秩矧此喬嶽□□制度天子
監此神意親授規摹選能興事宸衷簡在民願攸同不愆
于素案圖奏功臺門將將如鳥斯革廣殿巍巍增陞呂級
牲酒圭幣薦羞呂時敢獻善祝神之聽之聖人之德聖人
之壽泰山之高泰山之久聖人之業聖人之基泰山之固

泰山之維神居孔安□饗是格生甫及申蕃宣方國禮無
不答神罔時恫於萬斯年福祿來崇

右碑連額高一丈四尺廣六尺篆額題大金重修東嶽
廟之碑九字徑六寸五分三分三行文二十七行行六十
一字正書徑一寸五分案泰安縣志載此碑云大定□
□年四月楊伯仁奉敕撰黃久約書党懷英篆額年上
空二字蓋以碑無立石年月而闕之也今據碑文稱大
定十八年嶽廟災明年興建二十一年告成二年四月
制詔楊伯仁記其事二年之上碑泐七字當是大定二
十二年則立石即在是年矣金史列傳楊伯仁字安道
真定藁城人伯雄之弟仕世宗朝由濱州刺史入為左
諫議大夫遷侍講兼禮部侍郎久在翰林文詞典麗世
宗曰自韓昉張鈞後則有翟永固近日則張景仁鄭子
聘今則伯仁而已其次未見能文者黃久約字彌大東
平須城人擢進士第調鄆城主簿三遷曹州軍事判官
累擢禮部員外郎兼翰林修撰升待制党懷英字世傑
馮翊人由汝陰縣尹除國史院編修官應奉翰林文字
工篆籀當時稱為第一伯仁懷英之能文下篆史特書
之而久約之善書史獨闕焉觀此碑結體展拓而筆格
秀整當不愧為大手筆也金源一代金石合三人之能

而萃為一碑者甚少宜以此為最矣

重修宣聖廟碑

篆額

李守純撰 劉禮正書 在文廟泮橋西偏東向

大定二十三年四月

大定重修宣聖廟記

泰安之為州也有嶽祠以壯觀其中有岱宗徂徠泮汶漕濟以環抱其外實周公之封境孔子之鄉國帝王封禪之所也亡宋開寶五年徙乾封縣于此大中祥符元年改曰奉符廢齊阜昌之初改為軍曰泰安本朝開國六十有八年升之為州自其為縣以孫明復石守道二先生山齋之故基建學以柏林之地課養士作成之材故常有焉魁乎天下者則耿公昌世顯於翰林者則楊公用道是其尤傑

出者也惜乎歲久殿宇壞甚震風浚雨聖賢像弗克謹庇黷舍顛漏學者鮮肯居之有司者吝出竟不之葺亦莫如之何矣歲在戊戌嶽祠被災朝廷命徐公中憲倅來守茲郡尋蒙宣召指畫嶽廟營繕之制公受訓誡以還朝夕從事再期告成上遣使來視使者見其廟貌闕壯審麗甚稱賞之因詢以嶽祠之弊公迺口陳數事又言有一於此為害尤重昔者嶽祠告修所壞運司必先視之兗州然後行之故曠日持久而不能有成也且如宣聖廟日就傾圯止請繕於運司尚三年而不報况夫嶽廟更當稟于兗州乎稽滯之弊從可知已使者還奏得可其請更其舊弊所謂宣聖廟聽以嶽廟餘材修之公遂以規繩授之匠者大其

廟度柱以石瓦以琉璃長廊四週如拱如掛聖賢之像皆
傲闕里而又講有堂處有齋以至庖湍亦皆有所委曲以
盡心期副國家崇儒重道之意人特見其成莫知其所以
施設之方可謂賢且能矣朝廷可謂能擇人而任使之矣
經始於壬寅三月十有四日落成於八月初四日俾守純
爲文以記之守純以職在主善不敢以淺陋辭故叙其實
而復有說焉夫事之廢興殆非人力之所能也天也是學
之壞久矣諸生所望者扶顛補漏而已猶爾齟齬願莫之
遂今日一新甲子他郡始知天意以聖上守成尙文之際
不欲有司草創而修故使先難其事也然則事之廢興豈
非天乎處乎其中被國家教育之恩者當如何哉固不可
泥於章句而止也當以致君澤民爲心知其所以學者而
務進焉所以學者何哉曰道也道之在人則爲性性之妙
用則爲神散之口應物則爲五常如或好仁好義好禮好
智好信而未造乎道則其應物也雖勞心役慮求合於五
常而處之然亦不能無蔽孔子於是六言六蔽之戒也
若乃造道之深則居之安居之安則資之深資之深則取
之左右逢其原故其應物也不待勞心役慮求合於五常
而自然合矣孔子於是有一以貫之之語也由此言之學
者之所當以道爲事也子文曰朝聞道夕死可矣豈非欲
夫學者之以道爲事耶猶恐乎未之能入復示其所以入
之之門曰知幾其神乎君子上交不諂下交不瀆其知幾

乎當是之時顏子不幸曾子獨得其傳曾子傳之子思子思傳之孟子其子思之論道則曰天命之謂性率性之謂道修道之謂教又曰至誠之道可以前知至誠如神孟子之論道則曰存其心養其性所以事天也又曰大而化之之謂聖聖而不可知之之謂神夫二子之立言無少詭於孔子者蘭陵荀卿反獨非之謂傳口口傳不知其統嗚呼荀卿胡爲而云爾也是與二子同門而異戶歟是其學之淺不足以知其深歟徐以其所著之書考之蓋其學之淺不足以知深也何則荀卿有曰學者始乎爲士終乎爲聖人觀乎其意則是以聖爲道之極也豈知子思孟子以神爲道之極而得孔子之所傳者歟宜乎妄生詆訾而不顧

也守純以謂儒家者流必欲助吾君明教化不先造孔子之道則難矣必欲造孔子之道不先踐子思孟子之言亦難矣而荀卿之說反使天下後世有惑于二子失其所趨嚮故爲辯之俾學者知其所以學焉他日或爲朝廷之用庶幾乎不遠於政矣癸卯四月二十有六日李守純謹記進士劉禮書丹并篆額

州學齋長薛實 學錄李頌之 學正安然 升卿一登

仕郎泰安州司候判官提學甄之綱立石

右碑連額高七尺二寸廣二尺四寸額題大定重修宣聖廟記八字篆書徑五寸分四行文三十行行六十九字正書徑七分案泰安縣志載此碑云記甚雅飭但其意以易傳知幾其神中庸至誠如神與孟子聖不可知之謂神爲學所從入之門造道之極而謂荀子所云始乎爲士終於爲聖人爲不知道於義未允也碑末結銜

登仕郎泰安州司候判官提學甄之綱金史百官志諸防刺州司候同司候一員司判一員判官者即司判異名提學蓋是提舉學校省文言之

靈巖寺滌公開堂疏 正書 在般舟殿前

大定二十三年九月

山門知客僧宗秀道璘立石僧義瑄書

左平章政事今請滌公長老住持濟南府十方靈巖禪寺為國焚修開堂演法祝延聖壽者口已達摩不西來孰能薦祖盧公既南度始見分枝雖無豪髮示人要在承風取證例開法施各踞名坊厥有濟南靈巖佛寺利洽鄒齊襟吞兗魯一百年叢林浩浩三千里香火憧憧飛閣蓮宮粹容金界不期偉匠焉振宏綱伏惟滌公長老守文三代接

武四禪應歷下之機緣續方山之勝蹟遂使白蓮真跡無根而鬱鬱騰芳青社餘光不鏡而綿綿照世正好高提祖印獨步大方祝吾皇萬載之昌圖繼古佛一乘之慧壽謹疏 大定二十三年九月日疏 金紫光祿大夫平章政

事宗國公蒲察通

右碑連額高六尺二寸廣三尺篆額題開堂疏三字徑五寸橫列於上文十三行行三十一字正書徑一寸五分案皇統九年寶公開堂疏請者為濟南府尹此疏獨為左平章政事所請則其禮愈隆矣月日中間有平章政事之印篆文方二寸五分他碑所無也未行署金紫光祿大夫平章政事蒲察通平章上不加左字與首行異金史蒲察通傳大定十七年拜尚書右丞轉左丞開三歲進平章政事封任國公與此碑宗國公不同而平章上亦無左字百官志尚書省尚書令一員左丞相右丞相各一員平章政事二員亦不加左右字武虛谷云案金史百官志封號小國三十內有萊云舊為宗以避諱改據是則通封宗國其後避睿宗諱易號任國耳前

題左平章政事者左丞異名也左丞為宰相之貳故當時亦云左平章政事也始請滌公或在二十三年之前及疏文立石實為二十三年九月故前
有左字後無左字其官序可案如此
魯兩先生祠堂記 党懷英撰 并八分書

大定二十三年十月

天封寺碑 篆額 党懷英撰并八分書 在城東南舊縣村

大定二十四年十一月

石城徐鐸等題名 正書 在泰山銘東側

大定二十六年三月

石城徐鐸被符度修諸祠工費因口絕頂周覽而還大定

丙午三月十七日全游蒲陰趙七斤男鄭和尚侍

右刻就山崖巉石為一方格內題字五行行九字正書大小不等大者徑二寸小徑一寸案泰安東嶽廟奉敕

重建以大定二十一年落成二十二年敕楊伯仁撰文立石而其工費則徐偉領其事王元忠佐之至是工畢乃符調徐鐸來度之也當時敕修者不止東嶽一廟即宣聖廟亦同時修葺故云度修諸祠工費也同游者趙姓而七斤其名待行者為徐鐸之男而名之曰鄭和尚其鄙如此方格右上角有崇寧二字左上角有頂拜于三字蓋是宋人謁岱頂題名之下截而已為方格所掩矣

靈巖寺才公禪師塔銘 篆額 正書 在靈巖寺

大定二十七年十一月

右碑篆額題曰才公禪師塔銘六字徑四寸橫列於上文二十九行行存三十五字正書徑八分此碑下截沒土者半無從得才公之事蹟才公之名碑已不見以山居吟詩刻證之乃惠才也詩刻於大定十八年其時惠才正居方丈自號方山野人至是二十七年乃示寂於興化矣才公住靈巖為第十七代見此碑首行碑有云皇統壬戌恩賚普度壬戌為皇統二年稽之熙宗本紀不書度僧之事

妙覺院碑 正書 在城西南下 張村寺牒之下層

金石

完

大定二十八年九月

姚會亨題名 正書 在泰山銘東側

大定二十九年

濮國大長公主同駙馬蒲察題名 正書 在泰山銘東側

明昌元年三月

石塔小記 正書 在城東南龜陰村

明昌三年三月

安升卿題名 正書 在徂徠玉帝閣屏風巖上

明昌壬子

岱下安升卿與徂陽王賡姜孝儀遊徂徠探古跡谿谷祿祿松栢森森得冠軍石經于佛谷訪竹谿六逸于乳山遂

登絕頂拜感應侯祠憩于紫霞洞次臨紫澗池白鶴灣過徂徠書院至竹谿庵小飲躋北崑而望岱宗心遊天外也

明昌壬子孟夏記

安升卿遊覽記 正書 在岳頂東北谷山絕壁

明昌三年九月

曲阜孔端肅與徂徠石德潤王賡謁岱嶽觀遂登太平頂歷介邱巖仙閣巖次到谷山下觀天津河盤旋古明堂基達于汶明昌三年九月晦泰山三谿居士安升卿記

安升卿題字 正書 在徂徠西南麓乳山上

右刻竹溪佳境四大字每徑一尺

孔端肅題名 行書 在徂徠北玲瓏山洞壁

泰山志卷十七 金石

明昌三年

明昌三年秋九月肅自闕里之徂徠訪石君德潤山齋遊覽名勝歷萬松嶺登絕巔禮神祠北下林壑更幽一山岫巒特異名曰玲瓏崑古洞深敞傳唐王希夷嘗棲此書之以識遺蹟云

姜氏云亭房題名記

篆額正書 在城西南申村

明昌四年十月

□□云亭房題名記 裔孫鄉貢進士姜孝儀編 特賜進士及第將仕郎孔端肅篆額 應鄉貢進士石德潤書水行於地其源深者流必長木生於土其本固者枝必茂人居於世其德大者固宜克昌於厥後者哉先太公抱大

賢之道起渭水之濱應非熊之聘其德曰大矣垂二千年間苗裔詵詵然仍多顯人然謂源深則流必長本固則枝必茂不其然乎初爲周文王武王師號太公望一號師尙父武王克商首封於齊傳一十九世至康公貸爲田和所滅遷於海濱方未失國時子孫先已散居韓魏齊魯之間有世居淄川者縉紳之士代不乏人在唐末咸通間有隱君子諱慶者因避難自淄川徙家於沈之乾封築汶上晦其德不耀死葬所居里之東原生子諱達能嗣其先志亦隱居有子諱端五代時爲乾封縣令捐館之後皆祔於先塋之次自乾封而下亦縉紳之士代不乏人迨祥符間有學士諱嶼者一枝更改卜於太平鎮西關外五里采山

之陽自時厥後又有宣德諱鏐者亦別葬於瑕邱故趙之
原皆云亭隱君之苗裔也三所之內既多名士又出顯官
其進身者或擢第於楓庭或承居於世祿或以孝行之選
而起於鄉校或以遺逸之興而召試中書或習武略擢為
殿魁其居職者或警芸閣之書或剖銅符之政居蓮幕治
琴堂者又何紛紛如也文武萃於一門青紫踰於口世此
云亭房名聯仕版者亦不下於淄川者矣苟不記之則後
世子孫又烏可得而知哉茲者有族姪洪為人既孝且義
將祖林內墳墓應破壞者出已錢買磚造棺一一營之又
率眾族建祭亭於林所告成之後詣曲阜告僕曰可建碑
於亭孝儀謹案云亭房世譜自乾封以下居仕籍者開列

子後時明昌四年歲在癸丑七月日裔孫姜孝儀謹追記
明昌四年歲次癸丑十月旦朔孫洪等立石 匠人賈口

刊
右碑不連額高六尺廣二尺八寸記文十二行行六十
一字正書徑七分記後題名二十行上下二列正書不
具錄案齊魯間姜氏有二枝一在淄川一在泰安其在
泰安者謂之云亭房此則云亭房後裔刻其先世之居
仕籍者自五代迄金題名於左以示後人追記編次者
姜孝儀書碑者石德潤篆額者孔端肅肅稱特賜進
士及第据金史選舉志廷試五被黜則賜之第謂之恩
例又有特命及第者謂之特恩此稱特賜者不知是恩
例抑是特恩也題名中有姜潛考宋史有姜潛字至之
兗州奉符人但史列入隱逸傳碑載姜潛官至大理寺
丞恐是兩人章聖皇帝誤書彰聖又姜知彰元符二
年舉武進士擢第一碑稱之為二狀元所未聞也
靈巖寺王珩路伯達二詩刻 正書行書
在御書閣

明昌五年二月

巡按詣靈巖各刹禮佛焚香憩坐于超然亭覽堂頭琛公

佳製謾繼巖韵山東路提刑王珩 鍾山英秀草堂靈林

下相逢話愈清聞道謀身宜勇退得閑何必待功成 明

昌五年十月十五日十方靈巖禪寺住持傳法沙門廣琛

立石 濟南梁宗誠同李堅摸刊

琛公堂頭和尚有題超然亭頌因次其韵冀州節使路伯

達 六合空明現此亭本來無垢物華清客來便與團圓

坐萬偈何妨信手成 明昌五年二月十五日十方靈巖

禪寺住持傳法沙門廣琛立石 濟南梁宗誠同李堅摸

刊

右刻縱一尺三寸橫寬二尺八寸詩二首分刻左右四
周以花紋界隔之前詩九行正書後詩七行行書並經

寸許廣琛立石一行正書徑四分摸刊一行正書徑二

分前年同案明昌六年周馳撰靈巖寺田園記云明

昌三年提州司援他山例許民採伐由是長老廣琛

於部五年琛復走京師詣登聞院陳詞蒙奏斷用阜

昌天德所給文字為準盡付舊地云云據此則琛公自

明昌二年以逾六年皆住持靈巖也當明昌三年時許

民採伐之提刑不知何人假使即此和詩之王珩則不

應縱民採伐致琛公有奔告跋涉之苦矣若王珩是別

一提刑亦當為琛公理其直也二詩一刻於明昌五年

二月十五日一為十月十五日不知琛公走京師又在

何月琛公原倡亦無致矣路伯達見中州集云仲顯字

伯達與州人正隆五年進士明昌初授武安軍節度使

鄉人榮之據金史本傳伯達字仲顯與中州集每字伯

達者異今碑刻為自題不宜署字是名伯達每字伯

稱改鎮安武宋朝事實與州慶歷八年陞安武軍節度

金蓋依其舊名而中州集作武安倒訛之故也伯達詩

為遺山所採

靈巖寺田園記

周馳撰 懷英篆額 趙胤正書 在寺二門內

明昌六年十月

金石

三

十方靈巖禪寺田園記 鄉貢進士周馳撰 承務郎守
秘書丞兼尙書禮部員外郎驍騎尉賜緋魚袋趙溫書
翰林學士朝散大夫知制誥兼同修國史護軍馮翊郡開
國侯食邑一千戶食實封壹伯戶賜紫金魚袋克懷英篆
額

濟南靈巖自法定禪師肇建道場于今幾千載矣峯巒奇
秀祠宇雄麗號天下四絕之一比邱恒二百餘眾雖四方
布施者源源而來然其衣食之用出於寺之田園者蓋三
之二其地實亡宋口德間所賜也逮天聖初稍爲人侵
主寺者不克申理但刻石以紀其當時所得頃畝與
其後紹聖間掌事者稍怠左右口口遂伺隙而取

長老妙空者雖訟於有司其地未之能歸也至廢齊時始
徵天聖石記悉歸所侵地然石記字畫已皆駁缺寺僧口
其歲久愈不可考因請於所司口令主首故老與夫近鄰
共立界至迄今阜昌碑石存焉聖朝天德間復有指寺之
山欄爲東嶽火路地者旣而省部委官驗視考之阜昌碑
文不得遂其詐因符移府司府司迺印署文帖給付焉大
定六年朝廷推恩弛天下山澤以賜貧民由是諸山林舊
所固護者莫敢爲主樵者薪之匠者材焉凡森鬱叢茂之
處皆濯濯如也惟靈巖山林以其有得地之本末故獨保
完明昌三年提刑司援他山例許民採伐由是長老廣琛
訴於部於省才得地之十一二也五年琛復走京師詣登

聞院陳詞蒙奏斷用阜昌天德所給文字為準盡付舊地
省符既下於是口事僧悟寶陳於府再給公帖矣將復刻
石以為後人之信遂丐文於歷下周馳乃為序其終始之
實而書之或曰世人所以不能脫世網而逃死生者以其
貪愛為病也如來有藥為之對治止於一捨而已故深於
道者視軀命猶視外物况外物乎見眾生飢餓雖割割支
體了無靳惜今琛公以土地之故至取必於朝廷而後已
斯無乃口於其教歟愚應之曰不然夫割割支體以噉眾
生則可矣若割割眾生支體以噉眾生豈理也哉抑嘗聞
客有捐萬口口口以遺累者蓋初無難色及有人託守斗
粟則不敢縱鳥雀耗口一餉何則自為為他之理異也且

夫寺之常住所以贍養十方口口口也渠蓋不得已而為
眾主持口爾非所私有也如視其湮沒而弗與保護因而
絕大眾日用之資乃曰吾能以捨為心然則所捨者口誰
物耶知是理則知琛公之口口違佛教矣或者釋然因併
書其言以告來者使謹守焉 明昌六年十月二十有三

日記

- 首座僧悟倫 書記僧普遷 智藏僧廣藏 知客僧祖
- 請 知閣僧蘊奧 殿主僧宗堅 監寺僧宗微 副寺
- 僧廣傳 維那僧悟寶 典座僧正演 直歲僧志巧
- 庫頭僧覺允 當山住持傳法嗣祖沙門廣琛立石

右碑連額高六尺五寸廣二尺八寸篆額題靈巖寺田
園記六字徑四寸分三行文二十六行行五十一字正

書徑六分案此碑撰文者周馳書丹者趙灑篆額者党懷英皆一時巨手周馳見中州集云字仲才濟南人大定中住太學屢以策論魁天下私試亦頻中監元貞祐之兵濟南陷不肯降攜二孫赴井死鄉人葬之宅後之壽樂堂遼東人吳子英嘗從仲才學能記其所著亞父撞玉斗賦及他文數篇今得此田園記又於仲才遺文獲其一矣趙灑字文孺東平人金史傳灑仕至禮部郎中党懷英已詳前趙秉文云灑之正書體兼顏蘇党懷英小篆李陽水以來鮮有及者時人以灑配之號曰党趙碑書灑字右旁堯字缺筆應是避諱

十方靈巖寺碑

篆額 党懷英撰并八分書 在大殿前陰有劉德淵詩刻

明昌七年九月

十方靈巖寺記

翰林學士朝散大夫知制誥兼同修國

史上護軍馮翊郡開國侯食邑一千戶食實封壹伯戶賜

紫金魚袋党懷英撰并書篆

名山勝境天地所以儲靈蓄秀非福力淺薄者所能樓止

必待僊佛異人建大功德以為眾生無量福田泰山為諸嶽之宗其峯巒拱揖谿麓回抱神秀之氣尤鍾於西北而西北之勝莫勝于方山昔人相傳以為希有如來於此成道今靈巖是其處也後魏正光初有梵僧曰法定杖錫而至經營基構始建道場定之至也蓋有青蛇前導兩虎負經四衆驚異檀施雲集于是空崖絕谷化為寶坊歷隨至宋土木丹繪之功日增月葺莊嚴為天下之冠四方禮謁委金帛以祈福者歲無慮千萬人佛事日興而居者益眾分而為院者凡卅有六趣嚮既異遂生分別主僧永義律行孤介以接物應務為勞力辭寺事時開封僧行口方以圓覺密理講示後學眾共推舉可以住持乃更命詳實來

代義仍改甲乙以居十方之衆實熙寧庚戌歲也越三年
癸丑仰天元公禪師以雲門之宗始來唱道自是禪學興
行叢林改觀是爲靈巖初祖禪後法席或虛則請名德以
主之而不專口宗暨今琛公禪師廿代矣其傳則臨際齋
也師至之日屬山門魔起規奪寺田四垣之外皆爲魔境
大衆不安其居師爲道力猛卒以道力摧伏羣魔山門之
舊一旦還復衆遂安焉師以書屬懷英曰吾寺之名著於
諸方舊矣緣希有至於定公則不口計其歲月絲定至於
今幾七百年少更衰叔歷朝刊紀斷泐磨滅蕩然無餘而
佛祖之因地建置之本末與夫禪律之改口口派之承傳
後來者鮮或知之念無以起信心鎮魔事雖然佛法堅固
與虛空等而魔者如浮雲浮雲彈指變滅而虛空無有口
盡何憂乎魔事惟是著述銘勒佛事門中舊所不廢子無
以有爲譙我幸爲我一言余報之曰諾已乃叙師之所欲
言者書口遺之若夫山川光怪靈蹟示現山中老宿皆能
指其所而詳之此不復道也明昌七年秋九月十有九日
記

首座僧卽敏書記僧普寔知藏僧蘊奧知客僧宗徹知閣
僧廣仲殿主僧宗堅監寺僧法叙副寺僧普遷維那僧悟
實典座僧普守直歲僧志巧庫頭僧覺允 明昌七年十
月十四日當山住持傳法嗣祖沙門廣琛立石 歷山賈
德摸并刊

禪陰

遊靈巖畱題

天下三巖自古傳靈巖的是梵王天羣峯環寺連叢柏雙
鶴盤空湧二泉此日登臨驚絕景當年經構仰良緣停雲
為憶寥休子好伴真游方公禪師社白蓮 丙辰冬至日蓬山
劉德淵識

監寺淨善維那淨悅典座正寧直歲善全住持清安野叟
提點行實都綱普謹命工刊

冠氏帥趙侯濟河帥劉侯率將佐來游好問與焉丙申三
月廿五日題

右碑連額高七尺五寸廣三尺二寸篆額題十方靈巖
寺記六字徑五寸分三行文十九行行四十八字八分

書徑一寸碑陰劉德淵題詩并立石僧名共十行行十
一字正書間雜古篆徑二寸後有元好問題名五行行
書徑二寸碑文稱琛公之傳為臨際喬臨際即臨濟齊
乘載濟陽大定六年避金主允濟諱改曰清陽允濟遇
殺復舊此碑刻於明昌七年宜遵大定制為衛紹王諱
也碑陰末題名為元好問手書勁逸不失古法丙申為
蒙古太宗之七年于時金亡三年矣趙侯者案遺山集
冠氏趙侯先坐碑稱冠氏帥趙侯天錫字受之今為東
平左副元帥兼分治大名府路同知兵馬都總管事宜
授將軍十戶者即此題趙侯也遺山嘗客冠氏又與趙
侯銘其先人宜其陪此勝遊耳

陳氏廬墓碑篆額正書 王思恩撰 田邦直

承安口年

谷山寺碑篆額八分書 党懷英撰并 在岳東北

泰和元年五月

谷山寺記 前翰林學士承旨中大夫知制誥上護軍馮

翊郡開國侯食邑一千戶食實封壹伯戶致仕党懷英撰
並書篆額

佛法自西方來天下名山勝境化爲道場興廢因緣自有
時運嘗讀元魏高僧傳得僧意勝蹟之詳而異之意之寂
也以天帝之名及期遂行此其餘緣當有復興之日矣秦
山南嚮而東驚繇東迄北曰大小峴其下曰天津河環地
百有餘頃山勢四圍蓋漢之明堂在山之東北址此其地
也道左二里許耕墾之餘瓦礫被之與沈存中之說高麗
制度瓦皆有紋者合又西北行六七里山光叢叢高下隱
見一峯巖然秀拔而下園曰谷山也沿澗少北今寺基矣
嘗有獵人行獵蓮花峯側遇羅漢像而終日無所獲每遇

之必然獵夫怒積薪將焚之明日遷坐於高險薪燎不可
及獵夫愕而悔謝是夕山下老穉三四夢異僧久隱蓮花
峯有獵者之厄或問爲誰蓋曰意云耆老十餘輩更相
誘率凡一再行當石掩輿處果訪得之乃扶輿而下至今
所忽重不可動而峯嶺重複掩抱可與寺場衆悟遂止焉
粵自兵亂荒山重澤殘擾殆徧廢置始末不可詳究惟土
人名之曰佛谷者舊矣蓋意之逝也有靈感之異土人以
是命名繼有僧善寧遠涉荒梗首至谷山舊址破屋廢圮
而已獨山色如舊出沒起伏益遠而益秀善寧獨喜雅契
宿心于是日趨山下勾菽粟攜火具結茅而休焉往來山
坂無難色暇日畚築谿澗勤苦作勞而無怠意短褐芒屨

從事如初自是澗隈山脅稍可種藝植粟數千株迨于今
充歲用焉齋粥所須日益辦具凡卅餘年則谷山初祖也
天眷二年四月間詣官言寺之舊地東至於黑山分水嶺
南至於恩谷嶺西至於張遠寨稍北至於返倒山嶺有司
可其請其後僧法朗繼之鋤理荒險不避寒暑經營成就
復卅餘年則谷山第二祖矣今崇公寺緣契合四方有識
翕然歸向工役趨作日盈百數殿基琢石高踰數丈若是
者三四焉綵塑圖飾不與也州城之東隅曰柴水院惟許
存上院積貯之物其餘住持攝度申理徒弟皆不許也崇
公經畫作勞能繼二祖此寺當興時矣蓋意之去來也皆
異則其成也必閔其久也必振今谷山寺尚仍舊名計其

歲月蓋七百有餘歲矣是復興之數云嗚呼異哉泰和元
年五月九日記

勸緣住持沙門智崇立石 度僧九人廣琳廣靖廣瑋廣

寶廣顯廣興廣純廣敏廣彬各辦化緣執役寺事 宣秘

大德等故法兄三人智思智源智照度僧八人祖顯祖正

祖了廣佑廣深廣安祖義廣珍 古任李紳刻

右碑高六尺二寸廣三尺四寸篆額題谷山寺記四字
徑四寸分二行文十八行行五十一字八分書徑八分
碑陰篆額題曰玉泉禪寺勤跡檀那記字徑一寸五分
題名四十四行行九十字正書皆精施人姓名數百人
文不足錄在山東北麓谷
山寺內距城約五十里
山左金石志云金史完懷英傳承安二年乞致仕改泰
寧軍節度使明年召爲翰林學士承旨久之致仕碑書
銜前承旨者是也蓋懷英終於是官故中州集以承旨
目之向言勳護軍至是益進爲上護軍傳亦不及之碑

言寺之舊地西至於張遠寨此寨名不見金地里志疑其為村墟之名非有設官知寨故志不收也

補塑釋迦佛像記

篆額 党懷英撰并八分書 在縣署土地祠已殘闕

泰和六年四月

右碑下截斷闕祇存上截連額高四尺廣二尺四寸篆額題新補塑釋迦佛舊像記九字徑三寸分三行文十七行行存二十三四字八分書徑一寸案此碑斷裂為三上截二段接筭可揭下截毀失無存泰安縣志碑舊在郡城冥福寺今移置縣署土地祠西壁碑不見撰書人名氏惟有知制誥護軍馬翊等字當為党懷英也碑有云見素以文口英此英文字即是党懷英之名上所闕字乃懷字也碑為懷英撰書故上文云見素以文也末行有泰和六年四月十四日知是立碑年月也

谷山寺牒 正書 在寺殿左 壁香嚴寺牒上層

泰和六年十一月

尚書禮部封尚書禮部泰安州奉符縣第一鄉泰山佛峪

谷山寺受業第三代住持勤僧尊口僧智崇自辦於沂州納米准錢承買到洪字第一百二十五號寺額一道乞書填作玉泉禪寺者牒奉敕可特賜玉泉禪寺牒至准敕故牒泰和六年十一月日令史丁介桂主事韓玘承德郎守員外郎兼左補闕孫朝散大夫郎中兼國子監丞王承德郎試禮部侍郎兼口口口秘書少監喬中奉大夫禮部尚書兼翰林學士知制誥同修國史口口口張忙寺額付僧智崇

右碑高五尺六寸廣二尺九寸作二層上層刻是牒字十四行大小不一首行刻尚書禮部封五字蓋封皮也即刻其上牒從尚書銜至僧智崇止是為全文尚書銜二列以及牒奉敕故牒三列字徑二寸許真行相兼又孫王喬張銜四列迄寺額付僧智崇六字並正書字徑寸許惟張銜字形寬扁而有押至所云泰安州僧智崇

承買到洪字號寺額一道填作玉泉禪寺等語與敕後所識年月計字四行皆正書字徑五分牒共用印十五方徑二寸二分文曰尚書禮部之印皆大篆

道士谷山登覽詩刻 正書 在泰安

泰和七年八月

道士谷山春日登覽

淡蕩春風暖暄和曉日遲褰裳登詰屈絕頂慨幽奇北海
洪濤闊南山大澤危東峯青鳥下西嶺白雲垂眼界空濛
極煙光縹緲隨精神何灑落道德自扶持髣髴丹青外參
差碧漢涯那須采芝術直赴上仙期 泰和丁卯中秋後

刊 長春子書

右刻高七尺六寸廣三尺四寸詩六行行二十字正書
徑三寸許案泰安縣志城西北隅舊有長春觀元邱處

機弟子某修真於此邱處機即長春子也中統二年長
春觀碑稱長春弟子為誓守慎則此碑或即誓守慎追
摹其師手書墨蹟而刻於觀中者歟岱東北有天津河
河西北為谷山長春子春日登覽似即在此谷山涉河
而上詩故有褰裳
登詰屈之句也

郭侯等題名 正書 在泰山銘東側

泰和八年八月

護澤郭侯絳陽李恩古滕完顏從正泰和八年八月廿三

日同登

右磨崖三行行八字正書徑二寸案題名三人惟郭侯
金史有傳云字伯有澤州人大定二十二年進上泰和
七年遷山東安撫副使以題
名案之正其為副使時也

香巖寺牒 正書 在谷山寺牒下層

右牒在谷山寺牒之下
層牒式同前不具錄

吳衍題字

正書 在岱廟殿前怪石上

大安二年八月

傲來山題名

正書 在天勝砦北岡

貞祐三年七月

玉泉二題字

克懷英八分書 在谷山玉泉寺旁

弄水巖三題字

正書 在徠雞籠峯

雞籠峯三題字

正書 在徠雞籠峯

高益福等題名

正書 在雲峯西今佚

六逸堂碑

克懷英書 在泰安

右刻見孫克宏碑帖目今佚

泰山志卷第十七

125081

